

淨土五經

鳩摩羅什法師

等譯

無量壽經：
魏譯本

（二〇一〇年重排
難字注音）

佛陀教育基金會 印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

目次

佛說阿彌陀經	5
佛說觀無量壽佛經	5
<small>(依「大正藏」與「佛 教大藏經」版校勘)</small>	
佛說無量壽經卷上	5
佛說無量壽經卷下	101
大方廣佛華嚴經普賢行願品	149
大佛頂首楞嚴經大勢至菩薩念佛圓通章	183

佛說阿彌陀經

姚秦三藏法師鳩摩羅什譯

如是我聞：一時，佛在舍衛國，祇樹給孤獨園，與大比丘僧千二百五十人俱。皆是大阿羅漢眾所知識。長老舍利弗、摩訶目犍連、摩訶迦葉、摩訶迦旃延、摩訶俱絺羅、離婆多、周利槃陀伽、難陀、阿難陀、羅睺羅、憍梵波提、賓頭盧頗羅墮、迦留陀夷、摩訶劫賓那、薄拘羅、阿菟樓駄，如是等諸大弟子；并諸菩薩摩訶薩。文殊師利法王子、阿逸多菩薩、乾陀訶提菩薩、常精進菩薩，與如是等諸大菩薩，及釋提桓因等無量諸天

大衆俱。

爾時，佛告長老舍利弗：「從是西方過十萬億佛土，有世界名曰極樂。其土有佛，號阿彌陀，今現在說法。舍利弗！彼土何故名為極樂？其國眾生無有眾苦，但受諸樂，故名極樂。

又舍利弗！極樂國土，七重欄楯、七重羅網、七重行樹，皆是四寶周匝圍繞，是故彼國名為極樂。又舍利弗！極樂國土有七寶池，八功德水充滿其中，池底純以金沙布地。四邊階道，金、銀、琉璃、玻瓈合成。上有樓閣，亦以金、銀、琉璃、玻瓈、磲磔、赤珠、瑪瑙而嚴飾之。池中蓮華大如車輪，青色青

光，黃色黃光，赤色赤光，白色白光，微妙香潔。舍利弗！極樂國土成就如是功德莊嚴。

又舍利弗！彼佛國土常作天樂，黃金為地，晝夜六時，雨天曼陀羅華。其土眾生，常以清旦，各以衣祴盛眾妙華供養他方十萬億佛。即以食時還到本國，飯食經行。舍利弗！極樂國土，成就如是功德莊嚴。復次舍利弗！彼國常有種種奇妙雜色之鳥，白鶴、孔雀、鸚鵡、舍利、迦陵頻伽、共命之鳥。是諸眾鳥，晝夜六時出和雅音，其音演暢五根、五力、七菩提分、八聖道分如是等法。其土眾生聞是音已，皆悉念佛、念法、念

僧。舍利弗！汝勿謂：此鳥實是罪報所生。所以者何？彼佛國土無三惡道。舍利弗！其佛國土尚無惡道之名，何況有實？是諸眾鳥皆是阿彌陀佛，欲令法音宣流變化所作。舍利弗！彼佛國土，微風吹動諸寶行樹及寶羅網，出微妙音，譬如百千種樂同時俱作。聞是音者，自然皆生念佛念法念僧之心。舍利弗！其佛國土成就如是功德莊嚴。

舍利弗！於汝意云何？彼佛何故號阿彌陀？舍利弗！彼佛光明無量，照十方國無所障礙，是故號為阿彌陀。又舍利弗！彼佛壽命及其人民，無量無邊阿僧祇劫，故名阿彌陀。舍利弗！

阿彌陀佛成佛已來，於今十劫。又舍利弗！彼佛有無量無邊聲聞弟子，皆阿羅漢，非是算數之所能知。諸菩薩眾亦復如是。舍利弗！彼佛國土，成就如是功德莊嚴。

又舍利弗！極樂國土眾生者，皆是阿鞞跋致。其中多有
一生補處，其數甚多，非是算數所能知之，但可以無量無邊阿
僧祇說。舍利弗！眾生聞者，應當發願，願生彼國。所以者何？
得與如是諸上善人俱會一處。舍利弗！不可以少善根福德因
緣，得生彼國。舍利弗！若有善男子、善女人聞說阿彌陀佛，
執持名號，若一日、若二日、若三日、若四日、若五日、若六

日、若七日，一心不亂，其人臨命終時，阿彌陀佛與諸聖眾，現在其前。是人終時，心不顛倒，即得往生阿彌陀佛極樂國土。舍利弗！我見是利，故說此言。若有眾生聞是說者，應當發願生彼國土。

舍利弗！如我今者，讚歎阿彌陀佛不可思議功德之利：東方亦有阿閼鞞佛、須彌相佛、大須彌佛、須彌光佛、妙音佛，如是等恆河沙數諸佛，各於其國出廣長舌相，徧覆三千大千世界，說誠實言：『汝等眾生，當信是稱讚不可思議功德，一切諸佛所護念經。』舍利弗！南方世界有日月燈佛、名聞光佛、

大ハ燄ハ肩佛、須彌燈佛、無量精進佛，如是等恆ハ河沙數諸佛，各於其國出廣長舌相，徧ハ覆三千大千世界，說誠實言：『汝等眾生，當信是稱讚不可思議功德，一切諸佛所護念經。』舍利弗！西方世界有無量壽佛、無量相佛、無量幢佛、大光佛、大明佛、寶相佛、淨光佛，如是等恆ハ河沙數諸佛，各於其國出廣長舌相，徧ハ覆三千大千世界，說誠實言：『汝等眾生，當信是稱讚不可思議功德，一切諸佛所護念經。』舍利弗！北方世界有燄肩佛、最勝音佛、難沮佛、日生佛、網明佛，如是等恆ハ河沙數諸佛，各於其國出廣長舌相，徧ハ覆三千大千世界，說誠實言：『汝等

眾生，當信是稱讚不可思議功德，一切諸佛所護念經。』舍利弗！下方世界有師子佛、名聞佛、名光佛、達磨佛、法幢佛、持法佛，如是等恆河沙數諸佛，各於其國出廣長舌相，徧覆三千大千世界，說誠實言：『汝等眾生，當信是稱讚不可思議功德，一切諸佛所護念經。』舍利弗！上方世界有梵音佛、宿王佛、香上佛、香光佛、大皞肩佛、雜色寶華嚴身佛、娑羅樹王佛、寶華德佛、見一切義佛、如須彌山佛，如是等恆河沙數諸佛，各於其國出廣長舌相，徧覆三千大千世界，說誠實言：『汝等眾生，當信是稱讚不可思議功德，一切諸佛所護念經。』

舍利弗！於汝意云何？何故名為一切諸佛所護念經？舍利弗！若有善男子、善女人聞是經受持者，及聞諸佛名者，是諸善男子、善女人皆為一切諸佛之所護念，皆得不退轉於阿耨多羅三藐三菩提。是故舍利弗！汝等皆當信受我語及諸佛所說。舍利弗！若有人已發願、今發願、當發願，欲生阿彌陀佛國者，是諸人等，皆得不退轉於阿耨多羅三藐三菩提；於彼國土若已生、若今生、若當生。是故舍利弗！諸善男子、善女人若有信者，應當發願生彼國土。

舍利弗！如我今者，稱讚諸佛不可思議功德，彼諸佛等亦

稱讚イム我ハ不可思議功德，而作是言：『釋迦牟尼佛能為甚難ツラ希有之事！能於娑婆ムセセ國土、五濁惡世ムスセ劫濁、見濁、煩惱濁、眾生濁、命濁中得阿耨多羅三藐三菩提クニ；為諸眾生說是一切世間難信之法。』舍利弗シヤク！當知我於五濁惡世，行此難事ツラ，得阿耨多羅三藐三菩提，為一切世間說此難信之法，是為甚難ツラ！』佛說此經已，舍利弗及諸比丘、一切世間天人阿修羅等，聞佛所說，歡喜信受，作禮而去。

佛說阿彌陀經

佛說觀無量壽佛經

（依「大正藏」與「佛
教大藏經」版校勘）

劉宋西域三藏法師曇良耶舍譯

如是我聞：一時，佛在王舍城，耆闍崛山中，與大比丘眾，
千二百五十人俱。菩薩三萬二千，文殊師利法王子而為上首。

爾時，王舍大城有一太子，名阿闍世。隨順調達惡友之教，
收執父王頻婆娑羅，幽閉置於七重室內，制諸群臣，一不得往。
國太夫人，名韋提希，恭敬大王，澡浴清淨，以酥蜜和麩，用
塗其身。諸瓔珞中，盛葡萄漿，密以上王。爾時大王，食麩飲
漿，求水漱口。漱口畢已，合掌恭敬，向耆闍崛山，遙禮世尊，

而作是言：「大目犍連，是吾親友，願興慈悲，授我八戒。」時目犍連，如鷹隼飛，疾至王所。日日如是，授王八戒。世尊亦遣尊者富樓那，為王說法。如是時間，經三七日，王食麩蜜，得聞法故，顏色和悅。時阿闍世，問守門者，父王今者，猶存在耶？時守門人白言：「大王！國太夫人，身塗麩蜜，瓔珞盛漿，持用上王。沙門目犍連及富樓那，從空而來，為王說法，不可禁制。」時阿闍世，聞此語已，怒其母曰：「我母是賊，與賊為伴。沙門惡人，幻惑咒術，令此惡王，多日不死。」即執利劍，欲害其母。時有一臣，名曰月光，聰明多智，及與者

婆，為王作禮。白言：「大王！臣聞毗陀論經說，劫初已來，有諸惡王，貪國位故，殺害其父一萬八千，未曾聞有無道害母。王今為此殺逆之事，汙刹利種，臣不忍聞！是旃陀羅，我等不宜復住於此。」時二大臣，說此語竟，以手按劍，卻行而退。時阿闍世，驚怖惶懼，告耆婆言：「汝不為我耶？」耆婆白言：「大王！慎莫害母。」王聞此語，懺悔求救，即便捨劍，止不害母。敕語內官，閉置深宮，不令復出。

時韋提希，被幽閉已，愁憂憔悴。遙向耆闍崛山，為佛作禮，而作是言：「如來世尊！在昔之時，恆遣阿難，來慰問我。

我今愁憂，世尊威重，無由得見；願遣目連、尊者阿難，與我相見。」作是語已，悲泣雨淚，遙向佛禮，未舉頭頃，爾時世尊在耆闍崛山，知韋提希心之所念。即敕大目犍連，及以阿難，從空而來。佛從耆闍崛山沒，於王宮出。時韋提希，禮已舉頭，見世尊釋迦牟尼佛，身紫金色，坐百寶蓮華。目連侍左，阿難侍右。釋梵護世諸天在虛空中，普雨天華，持用供養。時韋提希，見佛世尊，自絕瓔珞，舉身投地，號泣向佛。白言：「世尊！我宿何罪，生此惡子？世尊復有何等因緣，與提婆達多，共為眷屬？唯願世尊，為我廣說無憂惱處，我當往生，不樂閻

浮提濁惡世也。此濁惡處，地獄、餓鬼、畜生盈滿，多不善聚。願我未來，不聞惡聲，不見惡人。今向世尊，五體投地，求哀懺悔。唯願佛日，教我觀於清淨業處。」爾時世尊放眉間光，其光金色，徧照十方無量世界。還住佛頂，化為金臺，如須彌山。十方諸佛淨妙國土，皆於中現。或有國土，七寶合成。復有國土，純是蓮華。復有國土，如自在天宮。復有國土，如玻璃鏡。十方國土，皆於中現。有如是等無量諸佛國土，嚴顯可觀，令韋提希見。時韋提希白佛言：「世尊！是諸佛土，雖復清淨，皆有光明。我今樂生極樂世界阿彌陀佛所，唯願世尊，

教我思惟，教我正受。」

爾時世尊，即便微笑，有五色光，從佛口出，一一光照頻婆娑羅王頂。爾時大王，雖在幽閉，心眼無障，遙見世尊，頭面作禮。自然增進，成阿那含。爾時，世尊告韋提希：「汝今知不？阿彌陀佛，去此不遠。汝當繫念，諦觀彼國淨業成者。我今為汝廣說眾譬，亦令未來世一切凡夫，欲修淨業者，得生西方極樂國土。欲生彼國者，當修三福：一者孝養父母，奉事師長，慈心不殺，修十善業。二者受持三歸，具足眾戒，不犯威儀。三者發菩提心，深信因果，讀誦大乘，勸進行者。如此

三事，名為淨業。」

佛告韋提希：「汝今知不？此三種業，乃是過去、未來、現在三世諸佛，淨業正因。」佛告阿難及韋提希：「諦聽！諦聽！善思念之。如來今者，為未來世一切眾生，為煩惱賊之所害者，說清淨業。善哉韋提希！快問此事。阿難！汝當受持，廣為多眾，宣說佛語。如來今者，教韋提希及未來世一切眾生，觀於西方極樂世界。以佛力故，當得見彼清淨國土，如執明鏡，自見面像。見彼國土極妙樂事，心歡喜故，應時即得無生法忍。」

佛告韋提希：「汝是凡夫，心想羸劣，未得天眼，不能遠

觀，諸佛如來，有異方便，令汝得見。」時韋提希白佛言：「世尊！如我今者，以佛力故，見彼國土。若佛滅後，諸眾生等，濁惡不善，五苦所逼，云何當見阿彌陀佛極樂世界？」佛告韋提希：「汝及眾生，應當專心繫念一處，想於西方。云何作想？凡作想者，一切眾生，自非生盲，有目之徒，皆見日沒。當起想念，正坐西向，諦觀於日欲沒之處，令心堅住，專想不移。見日欲沒，狀如懸鼓。既見日已，閉目開目，皆令明了。是為日想，名曰初觀。作是觀者，名為正觀。若他觀者，名為邪觀。」

佛告阿難及韋提希：「初觀成已，次作水想。想見西方一

切皆是大水，見水澄清，亦令明了，無分散意。既見水已，當起冰想。見冰映徹，作琉璃想。此想成已，見琉璃地，內外映徹，下有金剛七寶金幢，擎琉璃地。其幢八方，八楞具足，一方面，百寶所成，一一寶珠，有千光明，一一光明，八萬四千色，映琉璃地，如億千日，不可具見。琉璃地上，以黃金繩，雜廁間錯，以七寶界，分齊分明，一一寶中，有五百色光。其光如華，又似星月，懸處虛空，成光明臺。樓閣千萬，百寶合成，於臺兩邊，各有百億華幢，無量樂器，以為莊嚴。八種清風，從光明出，鼓此樂器，演說苦空無常無我之音，是為水想，

名第二觀。此想成時，一一觀之，極令了了。閉目開目，不令散失，唯除食時，恆憶此事。作此觀者，名為正觀。若他觀者，名為邪觀。」

佛告阿難及韋提希：「水想成已，名為粗見極樂國地。若得三昧，見彼國地，了了分明，不可具說。是為地想，名第三觀。」佛告阿難：「汝持佛語，為未來世一切大眾，欲脫苦者，說是觀地法。若觀是地者，除八十億劫生死之罪。捨身他世，必生淨國，心得無疑。作是觀者，名為正觀。若他觀者，名為邪觀。」

佛告阿難アナン及韋提希ヘイテシ：「地想成已ニ，次觀寶樹。觀寶樹者，一一觀之，作七重行樹想シツヘウキョウジウキョウ。一一樹高八千由旬，其諸寶樹，七寶華葉フクシヤク，無不具足。一一華葉フクシヤク，作異寶色。琉璃色中，出金色光。玻瓈色中，出紅色光。瑪瑙色中，出磔磔光セツセツクワウ。磔磔色中，出綠真珠光。珊瑚琥珀サンゴコハク，一切眾寶，以為映飾エイシヤク。妙真珠網，彌覆樹上，一一樹上有七重網シツヘウキョウ，一一網間有五百億妙華宮殿フクシヤク，如梵王宮フクシヤク。諸天童子，自然在中，一一童子，五百億釋迦毗楞伽摩尼以為瓔珞ウヱンラク。其摩尼光，照百由旬，猶如和合百億日月，不可具名，眾寶間錯ウヱンラク，色中上者。此諸寶樹，行行相當フクシヤク，葉葉相

次。於眾葉間，生諸妙華，華上自然有七寶果。一一樹葉，縱廣正等二十五由旬。其葉千色，有百種畫，如天瓔珞。有眾妙華，作閻浮檀金色。如旋火輪，宛轉葉間，涌生諸果，如帝釋瓶。有大光明，化成幢幡無量寶蓋。是寶蓋中，映現三千大千世界，一切佛事。十方佛國，亦於中現。見此樹已，亦當次第一一觀之，觀見樹莖枝葉華果，皆令分明。是為樹想，名第四觀。作是觀者，名為正觀。若他觀者，名為邪觀。」

佛告阿難及韋提希：「樹想成已，次當想水，欲想水者，極樂國土，有八池水。一一池水，七寶所成。其寶柔軟，從如

意珠王生，分為十四支。一一支作七寶妙色。黃金為渠，渠下皆以雜色金剛以為底沙。一一水中有六十億七寶蓮華，一一蓮華，團圓正等十二由旬。其摩尼水，流注華間，尋樹上下。其聲微妙，演說苦空無常無我諸波羅蜜。復有讚歎諸佛相好者。如意珠王，涌出金色微妙光明，其光化為百寶色鳥，和鳴哀雅，常讚念佛、念法、念僧，是為八功德水想，名第五觀。作是觀者，名為正觀。若他觀者，名為邪觀。」

佛告阿難及韋提希：「眾寶國土，一一界上，有五百億寶樓，其樓閣中，有無量諸天，作天伎樂。又有樂器，懸處虛空，

如天寶幢，不鼓自鳴。此眾音中，皆說念佛、念法、念比丘僧。此想成已，名為粗見極樂世界寶樹、寶地、寶池，是為總觀想，名第六觀。若見此者，除無量億劫極重惡業，命終之後，必生彼國，作是觀者，名為正觀。若他觀者，名為邪觀。」佛告阿難及韋提希：「諦聽！諦聽！善思念之，吾當為汝分別解說除苦惱法，汝等憶持，廣為大眾分別解說。說是語時，無量壽佛，住立空中，觀世音、大勢至，是二大士，侍立左右。光明熾盛，不可具見，百千閻浮檀金色，不得為比。」時韋提希見無量壽佛已，接足作禮，白佛言：「世尊！我今因佛力故，得見無量

壽佛及二菩薩，未來眾生，當云何觀無量壽佛及二菩薩？」

佛告韋提希：「欲觀彼佛者，當起想念，於七寶地上，作蓮華想，令其蓮華，一一葉上，作百寶色。有八萬四千脈，猶如天畫。一一脈有八萬四千光，了了分明，皆令得見。華葉小者，縱廣二百五十由旬。如是蓮華，具有八萬四千葉，一一葉間，有百億摩尼珠王，以為映飾。一一摩尼珠，放千光明，其光如蓋，七寶合成，徧覆地上。釋迦毗楞伽摩尼寶，以為其臺。此蓮華臺，八萬金剛甄叔迦寶，梵摩尼寶，妙真珠網，以為校飾。於其臺上，自然而有四柱寶幢，一一寶幢，如百千萬億須

彌山，幢上寶幔，如夜摩天宮，復有五百億微妙寶珠，以為映飾。一一寶珠，有八萬四千光，一一光，作八萬四千異種金色，一一金色，徧其寶土，處處變化，各作異相。或為金剛臺，或作真珠網，或作雜華雲，於十方面，隨意變現，施作佛事，是為華座想，名第七觀。」

佛告阿難：「如此妙華，是本法藏比丘願力所成，若欲念彼佛者，當先作此妙華座想。作此想時，不得雜觀。皆應一一觀之，一一葉、一一珠、一一光、一一臺、一一幢，皆令分明，如於鏡中，自見面像。此想成者，滅除五百億劫生死之罪，必

定當生極樂世界。作是觀者，名為正觀。若他觀者，名為邪觀。」

佛告阿難アナン及韋提希ウヰシ：「見此事已，次當想佛，所以者何？

諸佛如來，是法界身，入一切眾生心想中，是故汝等心想佛時，

是心即是三十二相，八十隨形好。是心作佛，是心是佛。諸佛

正徧ウララ知海，從心想生，是故應當一心繫念ケツ，諦觀シツ彼佛多陀阿伽

度、阿羅訶、三藐三佛陀。想彼佛者，先當想像。閉目開目，

見一寶像，如閻浮檀ウツク金色，坐彼華上。見像坐已マ，心眼得開，

了了分明，見極樂國七寶莊嚴，寶地寶池，寶樹行列ツレ，諸天寶

幔マ，彌覆其上，眾寶羅網，滿虛空中。見如此事，極令明了カク，

如觀掌中。見此事已，復當更作一大蓮華，在佛左邊，如前蓮華，等無有異。復作一大蓮華，在佛右邊，想一觀世音菩薩像，坐左華座，亦作金色，如前無異。想一大勢至菩薩像，坐右華座。此想成時，佛菩薩像皆放光明。其光金色，照諸寶樹。一樹下，亦有三蓮華，諸蓮華上各有一佛、二菩薩像，徧滿彼國。此想成時，行者當聞水流光明，及諸寶樹，鳧鴈鴛鴦，皆說妙法。出定入定，恆聞妙法。行者所聞，出定之時，憶持不捨，令與修多羅合。若不合者，名為妄想，若與合者，名為粗想見極樂世界。是為像想，名第八觀。作是觀者，除無量億劫

生死之罪，於現身中，得念佛三昧。作是觀者，名為正觀。若他觀者，名為邪觀。」

佛告阿難及韋提希：「此想成已，次當更觀無量壽佛身相光明。阿難當知，無量壽佛身，如百千萬億夜摩天閻浮檀金色。佛身高六十萬億那由他恆河沙由旬。眉間白毫，右旋宛轉，如五須彌山。佛眼如四大海水，青白分明，身諸毛孔，演出光明，如須彌山。彼佛圓光，如百億三千大千世界。於圓光中，有百萬億那由他恆河沙化佛，一一化佛，亦有眾多無數化菩薩，以為侍者。無量壽佛有八萬四千相。一一相中，各有八萬四千隨

形好^{ハシ}。一一好^{ハシ}中，復有八萬四千光明。一一光明，徧照^{クハシ}十方世界念佛眾生，攝取^{ハセ}不捨。其光相好^{ハシ}，及與化佛，不可具說。但當憶想，令心眼見。見此事者，即見十方一切諸佛，以見諸佛故，名念佛三昧^{ハシ}。作是觀者，名觀一切佛身，以觀佛身故，亦見佛心。佛心者，大慈悲是，以無緣慈，攝^{ハセ}諸眾生。作此觀者，捨身他世，生諸佛前，得無生忍。是故智者，應當繫^{ハシ}心諦觀無量壽佛。觀無量壽佛者，從一相好^{ハシ}入，但觀眉間白毫^{ハシ}，極令明了^{ハシ}。見眉間白毫相者^{ハシ}，八萬四千相好^{ハシ}，自然當現。見無量壽佛者，即見十方無量諸佛，得見無量諸佛故，諸佛現前授記。是

為徧觀^{クハク}一切色身相^{トク}，名第九觀。作是觀者，名為正觀。若他觀者，名為邪觀。」

佛告阿難^{シヤク}及韋提希^{ズキ}：「見無量壽佛^{カニクニク}了了分明^ク已，次亦應觀觀世音菩薩。此菩薩身長八十萬億那由他由旬，身紫金色，頂有肉髻^ヒ，項有圓光^{トク}，面各百千由旬。其圓光中，有五百化佛，如釋迦牟尼。一一化佛，有五百化菩薩，無量諸天，以為侍者^ア。舉身光中，五道眾生、一切色相^{トク}，皆於中現。頂上毗楞伽摩尼寶^{クニク}以為天冠^{クニク}。其天冠中，有一立化佛，高二十五由旬。觀世音菩薩，面如閻浮檀金色^{クニク}。眉間毫相^ヒ，備七寶色^{トク}，流出八萬四千

種光明。一一光明，有無量無數百千化佛，一一化佛，無數化菩薩以為侍者，變現自在，滿十方世界。臂如紅蓮華色，有八十億微妙光明，以為瓔珞，其瓔珞中，普現一切諸莊嚴事。手掌作五百億雜蓮華色，手十指端，一一指端有八萬四千畫，猶如印文。一一畫有八萬四千色。一一色有八萬四千光，其光柔軟，普照一切，以此寶手，接引眾生。舉足時，足下有千輻輪相，自然化成五百億光明臺。下足時，有金剛摩尼華，布散一切，莫不彌滿。其餘身相，眾好具足，如佛無異，唯頂上肉髻，及無見頂相，不及世尊。是為觀觀世音菩薩真實色身相，名第

十觀。」佛告阿難：「若欲觀觀世音菩薩者，當作是觀。作是觀者，不遇諸禍，淨除業障，除無數劫生死之罪。如此菩薩，但聞其名，獲無量福，何況諦觀！若有欲觀觀世音菩薩者，先觀頂上肉髻^{ハニ}，次觀天冠^{カウ冠}。其餘眾相，亦次第觀之，悉令明了^{カニ}，如觀掌中。作是觀者，名為正觀。若他觀者，名為邪觀。」

佛告阿難^{アノ}及韋提希^{メヒ}：「次觀大勢至菩薩。此菩薩身量大小，亦如觀世音，圓光面各百二十五由旬，照二百五十由旬。舉身光明，照十方國，作紫金色。有緣眾生，皆悉得見。但見此菩薩一毛孔光，即見十方無量諸佛淨妙光明，是故號^{ハニ}此菩薩名無

邊光。以智慧光，普照一切，令離三途，得無上力，是故號此
菩薩名大勢至。此菩薩天冠有五百寶華。一一寶華有五百寶
臺。一一臺中，十方諸佛淨妙國土廣長之相，皆於中現。頂上
肉髻，如鉢頭摩華。於肉髻上有一寶瓶，盛諸光明，普現佛事。
餘諸身相，如觀世音，等無有異。此菩薩行時，十方世界，一
切震動，當地動處，有五百億寶華。一一寶華，莊嚴高顯，如
極樂世界。此菩薩坐時，七寶國土，一時動搖。從下方金光佛
剎，乃至上方光明王佛剎，於其中間，無量塵數分身無量壽佛，
分身觀世音、大勢至，皆悉雲集極樂國土，曼塞空中，坐蓮華

座，演說妙法，度苦眾生。作此觀者，名為觀見大勢至菩薩，是為觀大勢至色身相。^{十一}觀此菩薩者，名第十一觀，除無數劫阿僧祇生死之罪。作是觀者，不處胞胎，常遊諸佛淨妙國土。此觀成已，名為具足觀觀世音、大勢至。作是觀者，名為正觀。若他觀者，名為邪觀。」

佛告阿難及韋提希：「見此事時，當起自心生於西方極樂世界，於蓮華中，結跏趺坐，作蓮華合想，作蓮華開想。蓮華開時，有五百色光，來照身想。眼目開想，見佛菩薩滿虛空中。水鳥樹林及與諸佛，所出音聲，皆演妙法，與十二部經合。若

出定之時，憶持不失。見此事已，名見無量壽佛極樂世界。是為普觀想，名第十二觀。無量壽佛化身無數，與觀世音及大勢至，常來至此行人之所。作是觀者，名為正觀。若他觀者，名為邪觀。」

佛告阿難及韋提希：「若欲至心生西方者，先當觀於一丈六像，在池水上。如先所說，無量壽佛身量無邊，非是凡夫心力所及。然彼如來宿願力故，有憶想者，必得成就。但想佛像，得無量福，況復觀佛具足身相！阿彌陀佛神通如意，於十方國，變現自在。或現大身，滿虛空中。或現小身，丈六八尺。

所現之形，皆真金色，圓光化佛及寶蓮華，如上所說。觀世音菩薩及大勢至，於一切處身同，眾生但觀首相，知是觀世音，知是大勢至。此二菩薩，助阿彌陀佛普化一切，是為雜想觀，名第十三觀。作是觀者，名為正觀。若他觀者，名為邪觀。」

佛告阿難アナン及韋提希ウヰシ：「凡生西方有九品人。上品上生者，若有眾生，願生彼國者，發三種心，即便往生。何等為三？一者至誠心。二者深心。三者迴向發願心。具三心者，必生彼國。復有三種眾生，當得往生。何等為三？一者慈心不殺，具諸戒行。二者讀誦大乘方等經典。三者修行六念，迴向發願，願生

彼國。具此功德，一日乃至七日，即得往生。生彼國時，此人精進勇猛故，阿彌陀如來與觀世音、大勢至，無數化佛，百千比丘，聲聞大眾，無量諸天，七寶宮殿，觀世音菩薩執金剛臺，與大勢至菩薩，至行者前。阿彌陀佛放大光明，照行者身，與諸菩薩授手迎接。觀世音、大勢至與無數菩薩，讚歎行者，勸進其心。行者見已，歡喜踊躍。自見其身，乘金剛臺，隨從佛後，如彈指頃，往生彼國。生彼國已，見佛色身，眾相具足。見諸菩薩色相具足。光明寶林，演說妙法。聞已，即悟無生法忍。經須臾間，歷事諸佛，徧十方界，於諸佛前，次第受記。

還ハス至本國，得カ無量ム百千陀羅尼門。是名上品上生者。上品中生者，不必受持讀誦方等經典。善解義趣，於第一義，心不驚動，深信因果，不謗ハ大乘，以此功德，迴ハ向願求生極樂國。行ハ此行者，命欲終時，阿彌陀佛與觀世音、大勢至、無量カ大眾，眷屬ハ圍繞，持紫金臺，至ハ行者前，讚言：『法子ハ！汝行ハ大乘，解第一義，是故我今來迎接汝。』與千化佛，一時授手。行者自見坐紫金臺，合掌ハ叉手，讚歎諸佛，如一念頃，即生彼國七寶池中。此紫金臺，如大寶華，經ハ宿則開。行者身ハ作紫磨金色，足下亦有七寶蓮華ハ。佛及菩薩，俱放ハ光明，照ハ行者身。目即開明，

因前宿習公，普聞眾聲，純說甚深第一義諦分。即下金臺，禮佛合掌，讚歎世尊。經於七日，應時公即於阿耨多羅三藐三菩提口，得不退轉。應時公即能飛行徧ウ至十方，歷事諸佛。於諸佛所，修諸三昧口。經一小劫，得無生忍，現前受記，是名上品中生者。上品下生者，亦信因果，不謗大乘ケ。但發無上道心，以此功德，迴向願求生極樂國ハ。行者命欲終時，阿彌陀佛及觀世音、大勢至，與諸菩薩，持金蓮華ハ，化作五百佛，來迎此人。五百化佛，一時授手，讚言：『法子口！汝今清淨，發無上道心，我來迎汝口。』見此事時，即自見身坐金蓮華ハ。坐已華合一，隨世尊後，即得往

生七寶池中。一日一夜，蓮華カニヲ乃開ラズ，七日之中，乃得見佛。雖見佛身，於眾相好トク，心不明了カニ，於三七日後，乃了了見カニ。聞眾音聲，皆演妙法。遊歷十方，供養クハム諸佛。於諸佛前，聞甚深法。經三小劫，得百法明門，住歡喜地。是名上品下生者，是名上輩生想，名第十四觀。作是觀者，名為正觀。若他觀者，名為邪觀。」

佛告阿難シラ及韋提希キ：「中品上生者，若有眾生，受持五戒，持八戒齋ホ，修行諸戒トク，不造五逆，無眾過患，以此善根，迴向カニ願求生於西方極樂世界。臨命終時，阿彌陀佛與諸比丘，眷屬カニ

圍繞，放金色光，至其所，演說苦空無常無我，讚歎出家，得離眾苦。行者見已，心大歡喜。自見己身，坐蓮華臺，長跪合掌，為佛作禮。未舉頭頃，即得往生極樂世界，蓮華尋開。當華敷時，聞眾音聲，讚歎四諦，應時即得阿羅漢道，三明六通，具八解脫，是名中品上生者。中品中生者，若有眾生，若一日一夜持八戒齋，若一日一夜持沙彌戒，若一日一夜持具足戒，威儀無缺。以此功德，迴向願求生極樂國。戒香熏修，如此行者，命欲終時，見阿彌陀佛，與諸眷屬，放金色光，持七寶蓮華，至行者前，行者自聞空中有聲，讚言：『善男子！如

汝善人，隨順三世諸佛教故，我來迎汝。』行者自見坐蓮華上，蓮華即合，生於西方極樂世界。在寶池中，經於七日，蓮華乃敷。華既敷已，開目合掌，讚歎世尊。聞法歡喜，得須陀洹，經半劫已，成阿羅漢，是名中品中生者。中品下生者，若有善男子、善女人，孝養父母，行世仁慈，此人命欲終時，遇善知識，為其廣說阿彌陀佛國土樂事，亦說法藏比丘四十八願。聞此事已，尋即命終。譬如壯士屈伸臂頃，即生西方極樂世界。經七日已，遇觀世音及大勢至，聞法歡喜。得須陀洹，過一小劫，成阿羅漢。是名中品下生者。是名中輩生想，名第十五觀。

作是觀者，名為正觀。若他觀者，名為邪觀。」

佛告阿難及韋提希：「下品上生者，或有眾生，作眾惡業，雖不誹謗方等經典，如此愚人，多造惡法，無有慚愧，命欲終時，遇善知識，為說大乘十二部經首題名字，以聞如是諸經名故，除卻千劫極重惡業。智者復教合掌叉手，稱南無阿彌陀佛。稱佛名故，除五十億劫生死之罪。爾時彼佛，即遣化佛，化觀世音，化大勢至，至行者前讚言：『善男子！以汝稱佛名故，諸罪消滅，我來迎汝。』作是語已，行者即見化佛光明，徧滿其室，見已歡喜，即便命終。乘寶蓮華，隨化佛後，生寶池中，

經七七日，蓮華乃敷，當華敷時，大悲觀世音菩薩，及大勢至菩薩，放大光明，住其人前，為說甚深十二部經。聞已信解，發無上道心。經十小劫，具百法明門，得入初地，是名下品上生者。」佛告阿難及韋提希：「下品中生者，或有眾生，毀犯五戒、八戒，及具足戒，如此愚人，偷僧祇物，盜現前僧物，不淨說法，無有慚愧，以諸惡業而自莊嚴。如此罪人，以惡業故，應墮地獄。命欲終時，地獄眾火，一時俱至，遇善知識，以大慈悲，即為讚說阿彌陀佛十力威德，廣讚彼佛光明神力，亦讚戒、定、慧、解脫、解脫知見。此人聞已，除八十億劫生

死之罪。地獄猛火，化為清涼風，吹諸天華。華上皆有化佛菩薩，迎接此人。如一念頃，即得往生七寶池中蓮華之內，經於六劫，蓮華乃敷。觀世音、大勢至，以梵音聲，安慰彼人，為說大乘甚深經典，聞此法已，應時即發無上道心。是名下品中生者。」佛告阿難及韋提希：「下品下生者，或有眾生，作不善業，五逆、十惡，具諸不善。如此愚人，以惡業故，應墮惡道，經歷多劫，受苦無窮。如此愚人，臨命終時，遇善知識，種種安慰，為說妙法，教令念佛，彼人苦逼，不遑念佛。善友告言：『汝若不能念彼佛者，應稱無量壽佛。如是至心，令聲

不絕，具足十念，稱南無阿彌陀佛。』稱佛名故，於念念中，除八十億劫生死之罪。命終之時，見金蓮華，猶如日輪，住其人前，如一念頃，即得往生極樂世界。於蓮華中，滿十二大劫，蓮華方開。當華敷時，觀世音、大勢至，以大悲音聲，為其廣說諸法實相，除滅罪法。聞已歡喜，應時即發菩提之心，是名下品下生者，是名下輩生想，名第十六觀。」

爾時世尊說是語時，韋提希與五百侍女，聞佛所說，應時即見極樂世界廣長之相。得見佛身及二菩薩。心生歡喜，歎未曾有，豁然大悟，逮無生忍。五百侍女，發阿耨多羅三藐三菩提

提心，願生彼國。世尊悉記，皆當往生。生彼國已，獲得諸佛現前三昧，無量諸天，發無上道心。

爾時阿難，即從座起，白佛言：「世尊！當何名此經？此法之要，當云何受持？」佛告阿難：「此經名觀極樂國土，無量壽佛，觀世音菩薩，大勢至菩薩。亦名淨除業障，生諸佛前。汝等受持，無令忘失！行此三昧者，現身得見無量壽佛及二大士。若善男子及善女人，但聞佛名、二菩薩名，除無量劫生死之罪，何況憶念！若念佛者，當知此人，則是人中芬陀利華，觀世音菩薩，大勢至菩薩，為其勝友。當坐道場，生諸佛家。」

佛告阿難^{アナン}：「汝^ニ好^ク持^ス是^ノ語^ヲ。持^ス是^ノ語^者，即^チ是^ノ持^ス無^量壽^佛名^ヲ。」
佛說此語時，尊者目犍連^{ムギヤン}、尊者阿難^{アナン}及韋提希^{ヱチシ}等，聞佛所說，
皆大歡喜。爾時^ニ世尊^ノ、足步虛空^ニ，還^リ者闍崛^{カク}山^ヲ。爾時^ニ阿難^ノ廣^ク為^ス
大衆說如上事。無量諸天龍夜叉^{ヤク}，聞佛所說，皆大歡喜，禮佛
而退。

佛說觀無量壽佛經

佛說無量壽經卷上

曹魏康僧鎧譯

我聞如是。一時・佛住王舍城耑崛山中。與大比丘眾萬
二千人俱。一切大聖・神通已達。其名曰・尊者了本際・尊者
正願・尊者正語・尊者大號・尊者仁賢・尊者離垢・尊者名聞・
尊者善實・尊者具足・尊者牛王・尊者優樓頻螺迦葉・尊者伽
耶迦葉・尊者那提迦葉・尊者摩訶迦葉・尊者舍利弗・尊者大
目犍連・尊者劫賓那・尊者大住・尊者大淨志・尊者摩訶周那・
尊者滿願子・尊者離郭・尊者流灌・尊者堅伏・尊者面王・尊

者異乘ハズ・尊者仁性・尊者嘉樂カク・尊者善來・尊者羅云ロウ・尊者阿難アナン・皆如斯等上首者也。又與大乘眾菩薩ハズ俱トモ。普賢菩薩・妙德菩薩・慈氏菩薩等・此賢劫中一切菩薩。又賢護等十六正士。善思議菩薩・信慧菩薩・空無菩薩・神通華菩薩ハズ・光英菩薩・慧上菩薩・智幢菩薩チウ・寂根菩薩・願慧菩薩・香象菩薩・寶英菩薩・中住菩薩・制行菩薩チウ・解脫菩薩トク。皆遵普賢大士之德。具諸菩薩無量行願ハズ。安住一切功德之法。遊步十方・行權方便。入佛法藏ハズ・究竟彼岸。於無量世界カヘ・現成等覺。處兜術天トウ・弘宣正法。捨彼天宮・降神母胎。從右脅生トウ。現行七步。光明顯

耀・普照十方。無量佛土・六種震動。舉聲自稱。吾當於世為
無上尊。釋梵奉侍・天人歸仰。示現算計文藝射御。博綜道術・
貫練群籍。遊於後園・講武試藝。現處宮中色味之間。見老病
死・悟世非常。棄國財位・入山學道。服乘白馬・寶冠瓔珞・
遣之令還。捨珍妙衣・而著法服。剃除鬚髮。端坐樹下。勤苦
六年。行如所應。現五濁刹・隨順群生。示有塵垢・沐浴金流。
天按樹枝・得攀出池。靈禽翼從・往詣道場。吉祥感徵・表章
功祚。哀受施草・敷佛樹下。跏趺而坐。奮大光明・使魔知之。
魔率官屬・而來逼試。制以智力・皆令降伏。得微妙法・成最

正覺。釋梵祈勸・請轉法輪。以佛遊步・佛吼而吼。扣法鼓。
吹法螺。執法劍。建法幢。震法雷。曜法電。澍法雨。演法施。
常以法音覺諸世間。光明普照無量佛土。一切世界六種震動。
總攝魔界・動魔宮殿。眾魔懼怖・莫不歸伏。擱裂邪網・消滅
諸見。散諸塵勞・壞諸欲塹。嚴護法城・開闡法門。洗濯垢污。
顯明清白。光融佛法・宣流正化。入國分衛・獲諸豐饍。貯功
德。示福田。欲宣法・現欣笑。以諸法藥・救療三苦。顯現道
意無量功德。授菩薩記・成等正覺。示現滅度・拯濟無極。消
除諸漏・植眾德本。具足功德・微妙難量。遊諸佛國・普現道

教^レ。其所修行・清淨無穢^レ。譬如幻師・現眾異像。為男為女・無所不變。本學明了^レ・在意所為。此諸菩薩・亦復如是。學一切法。貫綜縷練^レ。所住安諦^レ・靡不感化。無數佛土・皆悉普現^レ。未曾慢恣^レ。愍傷眾生。如是之法・一切具足。菩薩經典・究暢要妙。名稱普至・道御十方。無量諸佛^レ・咸共護念^レ。佛所住者。皆已得住。大聖所立・而皆已立^レ。如來道化・各能宣布。為諸菩薩・而作大師。以甚深禪慧・開導眾生。通諸法性。達眾生相。明了諸國。供養諸佛^レ。化現其身・猶如電光。善學無畏之網。曉了幻化之法。壞裂魔網・解諸纏縛^レ。超越聲聞緣覺之地。

得空無相無願三昧^{ハレ}。善立方便・顯示三乘^{ハレ}。於此化終・而現滅度。亦無所作・亦無所有。不起不滅・得平等法。具足成就無量總持^{ハレ}・百千三昧^{ハレ}・諸根智慧・廣普寂定。深入菩薩法藏^{ハレ}。得佛華嚴三昧^{ハレ}。宣揚演說一切經典。住深定門・悉觀^{ハレ}現在無量諸佛。一念之頃^{ハレ}・無不周徧^{ハレ}。濟諸劇難^{ハレ}・諸閑不閑^{ハレ}。分別顯示真實之際。得諸如來辯才之智。入眾言音・開化一切。超過世間諸所有法。心常諦住^{ハレ}度世之道。於一切萬物・而隨意自在。為^{ハレ}諸庶類・作不請之友。荷負^{ハレ}群生・為^{ハレ}之重擔^{ハレ}。受持如來甚深法藏^{ハレ}。護佛種性・常使不絕。興大悲・愍^{ハレ}眾生。演慈辯・授法眼。

杜三趣・開善門。以不請之法・施諸黎庶。如純孝之子愛敬父母。於諸眾生・視若自己。一切善本・皆度彼岸。悉獲諸佛無量功德。智慧聖明・不可思議。如是之等菩薩大士・不可稱計。一時來會。

爾時世尊・諸根悅豫・姿色清淨・光顏巍巍。尊者阿難・承佛聖旨・即從座起・偏袒右肩・長跪合掌・而白佛言。今日世尊・諸根悅豫。姿色清淨・光顏巍巍。如明鏡淨・影暢表裏。威容顯耀・超絕無量。未嘗瞻覩殊妙如今。唯然大聖。我心念言。今日世尊住奇特之法。今日世雄住諸佛所住。今日世眼住

導師クニ之行ト。今日世英住最勝ハ之道。今日天尊行如來ト之德。去來
現在佛佛相念。得無今佛念諸佛耶ト。何故威神光光ル乃爾。於是
世尊告阿難クニ曰。云何阿難。諸天教ト汝來問佛耶ト。自以慧見問威
顏乎。阿難白佛。無有諸天來教我者ト。自以所見問斯義耳。佛
言。善哉阿難。所問甚快。發深智慧。真妙辯才ト。愍念眾生。
問斯慧義。如來以無盡大悲。矜哀ト三界。所以出興ト於世。光闡ト
道教ト。欲拯濟群萌ト。惠以真實之利。無量億劫。難值難見。猶
靈瑞華ト。時時乃出。今所問者。多所饒益。開化一切諸天人民。
阿難クニ當知。如來正覺。其智難量ト。多所導御ト。慧見無礙ト。無能

過絕。以一餐之力。能住壽命億百千劫。無數無量復過於此。諸根悅豫。不以毀損。姿色不變。光顏無異。所以者何。如來定慧。究暢無極。於一切法。而得自在。阿難諦聽。今為汝說。對曰。唯然。願樂欲聞。

佛告阿難。乃往過去久遠無量不可思議無央數劫。錠光如來興出於世。教化度脫無量眾生。皆令得道。乃取滅度。次有如來。名曰光遠。次名月光。次名旃檀香。次名善山王。次名須彌天冠。次名須彌等曜。次名月色。次名正念。次名離垢。次名無著。次名龍天。次名夜光。次名安明頂。次名不動地。

次名瑠璃カニヌ妙華ハツク。次名瑠璃カニヌ金色カニ。次名金藏ハネ。次名炎光ハツク。次名炎
根。次名地種チユ。次名月像ツキゾウ。次名日音ニチオン。次名解脫華ゲツトクハ。次名莊嚴
光明クワミョウ。次名海覺神通カイケツセンツウ。次名水光スイクワウ。次名大香ダイカウ。次名離塵垢リジンコウ。次
名捨厭意セツエンイ。次名寶炎ホウエン。次名妙頂ミョウテイ。次名勇立ユウリツ。次名功德持慧クニツキチケ。
次名蔽カシ日月光ニツギクワウ。次名日月瑠璃光ニツギクワウ。次名無上瑠璃光ムジョウカニヌ。次名最上
首シュ。次名菩提華ハツク。次名月明ツキミョウ。次名日光ニツクワウ。次名華色王ハツク。次名水
月光スイギクワウ。次名除癡冥チシメイ。次名度蓋行タクガイギョウ。次名淨信ジヨウシン。次名善宿ゼンシュク。次名
威神イシン。次名法慧ハツク。次名鸞音ランオン。次名師子音シシオン。次名龍音リウオン。次名處
世セ。如此諸佛・皆悉已過。

爾時次有佛。名世自在王。如來。應供。等正覺。明行足。善逝。世間解。無上士。調御丈夫。天人師。佛。世尊。時有國王。聞佛說法。心懷悅豫。尋發無上正真道意。棄國捐王。行作沙門。號曰法藏。高才勇哲。與世超異。詣世自在王如來所。稽首佛足。右繞三匝。長跪合掌。以頌讚曰。

光顏巍巍

威神無極

如是炎明

無與等者

日月摩尼

珠光燄耀

皆悉隱蔽

猶如聚墨

如來顏容

超世無倫

正覺大音

響流十方

戒聞精進

三昧智慧

威德無侶

殊勝希有

譬 ^{ㄅㄛˋ} 如恆沙	供 ^{ㄍㄨㄥ} 養 ^{ㄩㄥ} 一切	假 ^{ㄐㄚˋ} 令有佛	吾 ^ㄨ 誓得佛	布 ^{ㄅㄨˋ} 施 ^{ㄕㄩ} 調意	願 ^{ㄩㄢˋ} 我作佛	功 ^{ㄍㄨㄥ} 勳 ^{ㄩㄥ} 廣大	無 ^ㄨ 明 ^{ㄇㄩㄥ} 欲怒	深 ^{ㄕㄨㄥ} 諦 ^{ㄊㄩ} 善念
諸佛世界	斯等諸佛	百千億萬	普行此願	戒忍精進	齊聖法王	智慧深妙	世尊永無	諸佛法海
復不可計	不如求道	無量大聖	一切恐懼	如是三昧 ^{ㄕㄨㄞˋ}	過度生死	光明威相 ^{ㄍㄨㄥ}	人雄師子	窮深盡奧
無數刹土 ^{ㄕㄨㄚˋ}	堅正不卻	數如恆沙	為 ^{ㄍㄨ} 作大安	智慧為上	靡 ^{ㄇㄩ} 不 ^ㄨ 解 ^{ㄐㄩ} 脫 ^{ㄊㄨㄟ}	震動大千	神德無量	究 ^{ㄐㄩ} 其 ^{ㄕㄩ} 涯 ^ㄩ 底 ^{ㄊㄩ}

光明悉照 徧マン此諸國 如是精進 威神難量カン
令我作佛 國土第一 其眾奇妙 道場超絕
國如泥洹ニク 而無等雙 我當愍哀クニ 度脫一切
十方來生 心悅清淨 已至我國 快樂安隱クニ
幸佛明信 是我真證 發願於彼 力精所欲
十方世尊 智慧無礙 常令此尊 知我心行クニ
假使身止 諸苦毒中 我行精進 忍終不悔

佛告阿難アナン。法藏比丘說此頌已。而白佛言。唯ス然世尊。我發無上正覺之心。願佛為我廣宣經法。我當修行。攝取佛國清

淨莊嚴無量妙土。令我於世速成正覺。拔諸生死勤苦之本。佛告阿難。時世自在王佛語法藏比丘。如所修行。莊嚴佛土。汝自當知。比丘白佛。斯義弘深。非我境界。唯願世尊。廣為敷演諸佛如來淨土之行。我聞此已。當如說修行。成滿所願。爾時世自在王佛。知其高明。志願深廣。即為法藏比丘而說經言。譬如大海。一人斗量。經歷劫數。尚可窮底。得其妙寶。人有至心精進。求道不止。會當剋果。何願不得。於是世自在王佛。即為廣說二百一十億諸佛剎土天人之善惡。國土之粗妙。應其心願。悉現與之。時彼比丘。聞佛所說嚴淨國土。皆悉覩見。

起發無上殊勝フタヘハツ之願。其心寂靜・志無所著ヒツク。一切世間ヒツク・無能及者。具足五劫・思惟攝取莊嚴佛國清淨之行。阿難アナン白佛。彼佛國土・壽量幾何。佛言。其佛壽命四十二劫。時法藏比丘ハセ・攝取二百一十億諸佛妙土清淨之行。如是修已・詣イ彼佛所。稽首禮足・繞佛三匝フタヘ・合掌而住。白佛言。世尊。我已攝取莊嚴佛土清淨之行。佛告比丘。汝今可說・宜知是時。發起悅ヒツク可一切大眾。菩薩聞已・修行此法。緣致滿足無量大願。比丘白佛。唯垂聽察。如我所願・當具說之。

設我得佛・國有地獄餓鬼畜生者・不取正覺。

設我得佛・國中天人壽終之後・復更《々三惡道者・不取正覺。

設我得佛・國中天人↑不悉真金色者・不取正覺。

設我得佛・國中天人形色不同・有好醜者∨々・不取正覺。

設我得佛・國中天人ム々不識宿命・下至知百千億那由他諸劫事者・不取正覺。

設我得佛・國中天人不得天眼・下至見百千億那由他諸佛國者・不取正覺。

設我得佛・國中天人不得天耳・下至聞百千億那由他諸佛所說・不悉↑受持者・不取正覺。

設我得佛・國中天人不得見他心智。下至知百千億那由他諸佛國中眾生心念者・不取正覺。

設我得佛・國中天人不得神足。於一念頃^{くゞ}・下至不能超過百千億那由他諸佛國者・不取正覺。

設我得佛・國中天人若起想念貪計身者・不取正覺。

設我得佛・國中天人不住定聚必至滅度者・不取正覺。

設我得佛・光明有限量。下至不照百千億那由他諸佛國者・不取正覺。

設我得佛・壽命有限量。下至百千億那由他劫者・不取正覺。

設我得佛・國中聲聞有能計量^{カシユ}・乃至三千大千世界眾生悉成緣覺^ト・於百千劫悉共計校^{ヒク}・知其數者・不取正覺。

設我得佛・國中天人壽命無能限量^{カシユ}。除其本願脩短自在^{ト又}。若不爾者^ノ・不取正覺。

設我得佛・國中天人乃至聞有不善名者・不取正覺。

設我得佛・十方世界無量諸佛不悉咨嗟稱我名者^ト・不取正覺。

設我得佛・十方眾生至心信樂欲生我國^ト・乃至十念・若不生者。

不取正覺。唯除五逆^{カニ}誹謗^{ヒク}正法^{カシユ}。

設我得佛・十方眾生發菩提心・修諸功德・至心發願欲生我國。

臨壽終時・假令不與大眾圍繞現其人前者・不取正覺。

設我得佛・十方眾生聞我名號・繫念我國・植眾德本・至心迴レ向欲生我國・不果遂者・不取正覺。

設我得佛・國中天人不悉成滿三十二大人相者・不取正覺。

設我得佛・他方佛土諸菩薩眾來生我國・究竟必至一生補處。

除其本願自在所化・為眾生故被弘誓鎧・積累德本度脫一切・遊

諸佛國修菩薩行・供養十方諸佛如來・開化恆沙無量眾生・使立

無上正真之道・超出常倫諸地之行・現前修習普賢之德。若不爾

者・不取正覺。

設我得佛・國中菩薩承佛神力供養諸佛・一食之頃・不能徧至
無數無量億那由他諸佛國者・不取正覺。

設我得佛・國中菩薩在諸佛前現其德本・諸所求欲供養之具・
若不如意者・不取正覺。

設我得佛・國中菩薩不能演說一切智者・不取正覺。
設我得佛・國中菩薩不得金剛那羅延身者・不取正覺。

設我得佛・國中天人一切萬物・嚴淨光麗・形色殊特・窮微極
妙・無能稱量。其諸眾生・乃至逮得天眼・有能明了辨其名數者・
不取正覺。

設我得佛・國中菩薩・乃至少功德者・不能知見其道場樹無量
光色・高四百萬里者・不取正覺。

設我得佛・國中菩薩・若受讀經法諷誦持說・而不得辯才智
慧者・不取正覺。

設我得佛・國中菩薩智慧辯才若可限量者カ、九・不取正覺。

設我得佛・國土清淨・皆悉照見十方一切無量無數不可思議諸
佛世界・猶如明鏡覩其面像分又。若不爾者ル・不取正覺。

設我得佛・自地以上至於虛空・宮殿樓觀ル、今・池流華樹「ル、今・國土所
有一切萬物・皆以無量雜寶百千種香而共合成。嚴飾奇妙ル、今・超諸

天人。其香普薰十方世界。菩薩聞者。皆修佛行。若不如是。不取正覺。

設我得佛。十方無量不可思議諸佛世界眾生之類。蒙我光明觸其身者。身心柔軟。超過天人。若不爾者。不取正覺。

設我得佛。十方無量不可思議諸佛世界眾生之類。聞我名字。不得菩薩無生法忍諸深總持者。不取正覺。

設我得佛。十方無量不可思議諸佛世界。其有女人。聞我名字。歡喜信樂。發菩提心。厭惡女身。壽終之後復為女像者。不取正覺。

設我得佛・十方無量不可思議諸佛世界諸菩薩眾・聞我名字・
壽終之後・常修梵行^{フウ}・至成佛道。若不爾者・不取正覺。

設我得佛・十方無量不可思議諸佛世界諸天人・聞我名字・
五體投地・稽首作禮^{クニ}・歡喜信樂^{ハク}・修菩薩行・諸天世人莫不致敬。
若不爾者・不取正覺。

設我得佛・國中天人欲得衣服・隨念即至。如佛所讚應法妙服^{ハク}・
自然在身。有求裁縫^{クニ}擣染^{クニ}浣濯者^{クニ}・不取正覺。

設我得佛・國中天人所受快樂・不如漏盡比丘者・不取正覺。
設我得佛・國中菩薩隨意欲見十方無量嚴淨佛土・應時如願^{ハク}・

於寶樹中皆悉照見・猶如明鏡覩見其面像。若不爾者・不取正覺。

設我得佛・他方國土諸菩薩眾・聞我名字・至於得佛・諸根缺陋不具足者・不取正覺。

設我得佛・他方國土諸菩薩眾・聞我名字・皆悉逮得清淨解脫三昧。住是三昧・一發意頃・供養無量不可思議諸佛世尊・而不失定意。若不爾者・不取正覺。

設我得佛・他方國土諸菩薩眾・聞我名字・壽終之後・生尊貴家。若不爾者・不取正覺。

設我得佛・他方國土諸菩薩眾・聞我名字・歡喜踊躍・修菩薩

行・具足德本。若不爾者・不取正覺。

設我得佛・他方國土諸菩薩眾・聞我名字・皆悉速^{分劣}得普等三昧^ト。
住是三昧^ト・至於成佛・常見無量不可思議一切諸佛。若不爾者・
不取正覺。

設我得佛・國中菩薩・隨其志願所欲聞法・自然得聞。若不爾^ル
者・不取正覺。

設我得佛・他方國土諸菩薩眾・聞我名字・不即得至不退轉者・
不取正覺。

設我得佛・他方國土諸菩薩眾・聞我名字・不即得至第一忍・

第二第三法忍・於諸佛法不能即得不退轉者・不取正覺。

佛告阿難^{シヨウ}。爾時法藏比丘說此願已・以偈頌曰。

我建超世願 必至無上道 斯願不滿足 誓不成等覺

我於無量劫 不為大施主^{スベ} 普濟諸貧苦 誓不成等覺

我至成佛道 名聲超十方 究竟靡所聞 誓不成等覺

離欲深正念 淨慧修梵行^{ハク} 志求無上尊 為諸天人師

神力演大光 普照無際土 消除三垢冥^{クヰ} 明濟眾厄難^セ

開彼智慧眼 滅此昏盲暗 閉塞諸惡道^{クセ} 通達善趣門

功祚成滿足^{ハクセ} 威曜朗十方^{ハク} 日月戢重暉^{ハク} 天光隱不現^{ハク}

為眾開法藏ハノ 廣施功德寶 常於大眾中 說法師子吼

供養一切佛クニノ 具足眾德本 願慧悉成滿 得為三界雄

如佛無礙智 通達靡不照 願我功德力 等此最勝尊ハノ

斯願若剋果クニ 大千應感動ハノ 虛空諸天神 當雨珍妙華クニ

佛語阿難ハノ。法藏比丘說此頌已ハノ。應時普地六種震動。天雨ハノ

妙華クニ以散其上。自然音樂空中讚言。決定必成無上正覺。於是

法藏比丘ハノ。具足修滿如是大願。誠諦不虛ハノ。超出世間。深樂寂

滅。阿難。法藏比丘於其佛所。諸天魔梵龍神八部大眾之中。

發斯弘誓。建此願已。一向專志莊嚴妙土。所修佛國。開廓廣

大・超勝獨妙。建立常然・無衰無變。於不可思議兆載永劫・
積植菩薩無量德行。不生欲覺瞋覺害覺。不起欲想瞋想害想。
不著色聲香味觸法。忍力成就・不計眾苦。少欲知足・無染恚
癡。三昧常寂・智慧無礙。無有虛偽諂曲之心。和顏愛語・先
意承問。勇猛精進・志願無倦。專求清白之法・以惠利群生。
恭敬三寶・奉事師長。以大莊嚴具足眾行。令諸眾生功德成就。
住空無相無願之法。無作無起・觀法如化。遠離粗言・自害害
彼・彼此俱害。修習善語・自利利人・人我兼利。棄國捐王・
絕去財色。自行六波羅蜜・教人令行。無央數劫・積功累德。

隨其生處・在意所欲・無量寶藏ハセ・自然發應ハム。教化安立無數眾
生・住於無上真正之道。或為長者居士豪姓尊貴・或為剎利國
君轉輪聖帝・或為六欲天主乃至梵王ハハ・常以四事供養恭敬一切
諸佛。如是功德・不可稱說。口氣香潔・如優鉢羅華ハセ。身諸毛
孔・出旃檀香ハセ。其香普熏無量世界。容色端正・相好殊妙ハセ。其
手常出無盡之寶・衣服飲食・珍妙華香ハセ・繒蓋幢幡ハセ・莊嚴之具。
如是等事・超諸天人。於一切法而得自在。阿難白佛ハセ。法藏菩
薩・為已成佛而取滅度ハセ・為未成佛ハセ・為今現在ハセ。佛告阿難ハセ。法
藏菩薩今已成佛ハセ。現在西方ハセ・去此十萬億剎ハセ。其佛世界・名曰

安樂^{カゼ}。阿難^{アナン}又問。其佛成道已來^イ。為經幾時。佛言。成佛已來。凡歷十劫。其佛國土。自然七寶。金銀^{カネ}瑠璃^ル珊瑚^{カニ}琥珀^{ハク}珀^{ハク}碑^{イセ}磔^{イセ}瑪瑙^{マノウ}。合成為地。恢廓^{フス}廣蕩^ク。不可限極。悉相^{シテ}雜廁^{ハチ}。轉相^テ間入^{ハチ}。光赫^{ハセ}煜爍^{ハク}。微妙奇麗。清淨莊嚴。超踰^シ十方一切世界眾寶中精。其寶猶如^{イヌ}第六天寶。又其國土無須彌山。及金剛圍一切諸山。亦無大海小海。溪渠^ク井谷。佛神力故。欲見則見。亦無地獄餓鬼畜生諸難之趣。亦無四時。春秋冬夏。不寒不熱。常和調適^{ホウ}。爾時^ニ阿難^{アナン}白佛言。世尊。若彼國土無須彌山。其四天王及忉利^{タウリ}天。依何而住。佛語^{ハク}阿難^{アナン}。第三炎天乃至色究竟天。皆依何住。

阿難白佛。行業果報不可思議。佛語阿難。行業果報不可思議。諸佛世界亦不可思議。其諸眾生功德善力。住行業之地。故能爾耳。阿難白佛。我不疑此法。但為將來眾生。欲除其疑惑。故問斯義。

佛告阿難。無量壽佛威神光明最尊第一。諸佛光明所不能及。或照百佛世界。或千佛世界。取要言之。乃照東方恆沙佛剎。南西北方四維上下。亦復如是。或有佛光照於七尺。或由旬。二三四五由旬。如是轉倍。乃至照一佛剎。是故無量壽佛。號無量光佛。無邊光佛。無礙光佛。無對光佛。炎王光佛。

清淨光佛・歡喜光佛・智慧光佛・不斷光佛・難思光佛・無稱
光佛・超日月光佛。其有眾生遇斯光者・三垢消滅くそ・身意柔軟・
歡喜踴躍りつせ・善心生焉。若在三塗極苦之處・見此光明・皆得休
息・無復苦惱。壽終之後・皆蒙解脫りせ。無量壽佛光明顯赫くせ・照
曜十方。諸佛國土・莫不聞焉きこ。不但我今稱其光明いん・一切諸佛
聲聞緣覺諸菩薩眾そと・咸共歎譽たう・亦復如是。若有眾生・聞其光
明威神功德・日夜稱說いん・至心不斷。隨意所願・得生其國。為き
諸菩薩聲聞之眾所共歎譽たう・稱其功德いん。至其然後得佛道時・普
為十方諸佛菩薩歎其光明・亦如今也。佛言。我說無量壽佛光

明威神巍巍殊妙・晝夜一劫・尚未能盡。

佛語阿難。又無量壽佛壽命長久不可稱計・汝寧知乎。假使十方世界無量眾生皆得人身・悉令成就聲聞緣覺・都共集會・禪思一心・竭其智力・於百千萬劫・悉共推算・計其壽命長遠之數・不能窮盡知其限極。聲聞菩薩天人之眾壽命長短・亦復如是・非算數譬喻所能知也。又聲聞菩薩・其數難量・不可稱說。神智洞達・威力自在。能於掌中持一切世界。佛語阿難。彼佛初會聲聞眾數不可稱計・菩薩亦然。如大目犍連百千萬億無量無數・於阿僧祇那由他劫乃至滅度・悉共計校・不能

究了多少之數。譬如大海深廣無量。假使有人析其一毛以為百分。以一分毛沾取一滬。於意云何。其所滬者。於彼大海。何所為多。阿難白佛。彼所滬水。比於大海多少之量。非巧曆算數言辭譬類所能知也。佛語阿難。如目連等。於百千萬億那由他劫。計彼初會聲聞菩薩。所知數者。猶如一滬。其所不知。如大海水。

又其國土。七寶諸樹。周滿世界。金樹。銀樹。瑠璃樹。玻璃樹。珊瑚樹。瑪瑙樹。碑磔之樹。或有二寶三寶。乃至七寶。轉共合成。或有金樹。銀葉華果。或有銀樹。金葉華果。

為莖・碑磔イセ為枝・紫金為條・白銀為葉・瑠璃カヌカニ為華・水精為實。
或有寶樹・瑪瑙マノウ為本・碑磔イセ為莖・紫金為枝・白銀為條・瑠璃カヌカニ
為葉・水精為華・珊瑚為實。或有寶樹・碑磔イセ為本・紫金為莖・
白銀為枝・瑠璃カヌカニ為條・水精為葉・珊瑚為華・瑪瑙マノウ為實。行行カニカニ
相值。莖莖相望。枝枝相准サズナ。葉葉相向カミカミ。華華相順カミカミ。實實相當。
榮色光曜ハユ・不可勝視カニカニ。清風時發・出五音聲。微妙宮商・自然
相和ハセ。又無量壽佛・其道場樹・高四百萬里。其本周圍五千由
旬。枝葉四布二十萬里。一切眾寶・自然合成。以月光摩尼持
海輪寶・眾寶之王・而莊嚴之。周帀カニカニ條間カニカニ・垂寶瓔珞カニカニ。百千萬

色・種種異變。無量カニ光炎・照耀カニ無極。珍妙寶網・羅覆カニ其上。一切莊嚴・隨應カニ而現。微風徐動・吹諸寶樹・演出無量妙法音聲。其聲流布・徧カニ諸佛國。聞其音者・得深法忍・住不退轉・至成佛道・耳根清徹カニ・不遭苦患。目覩カニ其色・鼻知其香・口嘗其味・身觸其光・心以法緣・皆得甚深法忍・住不退轉・至成佛道・六根清徹カニ・無諸惱患。阿難カニ。若彼國土天人・見此樹者・得三法忍。一者音響忍カニ・二者柔順忍・三者無生法忍。此皆無量壽佛威神力故・本願力故・滿足願故・明了カニ願故・堅固願故・究竟願故。佛告阿難カニ。世間帝王・有百千音樂カニ。自轉輪聖王・

乃至第六天上・伎樂音聲・展轉相勝千億萬倍。第六天上萬種
樂音・不如無量壽國諸七寶樹一種音聲千億倍也。亦有自然萬
種伎樂。又其樂聲・無非法音。清暢哀亮・微妙和雅。十方世
界音聲之中・最為第一。其講堂精舍宮殿樓觀・皆七寶莊嚴・
自然化成。復以真珠明月摩尼眾寶・以為交絡・覆蓋其上。內
外左右・有諸浴池。或十由旬。或二十三十。乃至百千由旬。
縱廣深淺・皆各一等。八功德水・湛然盈滿。清淨香潔・味如
甘露。黃金池者・底白銀沙。白銀池者・底黃金沙。水精池者・
底瑠璃沙。瑠璃池者・底水精沙。珊瑚池者・底琥珀沙。琥珀

池者・底珊瑚沙。碑磔池者・底瑪瑙沙。瑪瑙池者・底碑磔沙。
白玉池者・底紫金沙。紫金池者・底白玉沙。或有二寶三寶・
乃至七寶・轉共合成。其池岸上・有旃檀樹。華葉垂布・香氣
普熏。天優鉢羅華・鉢曇摩華・拘牟頭華・分陀利華・雜色光
茂・彌覆水上。彼諸菩薩及聲聞眾・若入寶池・意欲令水沒足。
水即沒足。欲令至膝・即至於膝。欲令至腰・水即至腰。欲令
至頸・水即至頸。欲令灌身・自然灌身。欲令還復・水輒還復。
調和冷暖・自然隨意。開神悅體・蕩除心垢。清明澄潔・淨若
無形。寶沙映徹・無深不照。微瀾迴流・轉相灌注。安詳徐逝・

不遲不疾。波揚無量自然妙聲。隨其所應^レ。莫不聞者。或聞佛聲。或聞法聲。或聞僧聲^レ。或寂靜聲。空無我聲。大慈悲聲。波羅蜜聲。或十力無畏不共法聲。諸通慧聲。無所作聲。不起滅聲。無生忍聲。乃至甘露灌頂眾妙法聲。如是等聲稱其所聞^レ。歡喜無量^{カニ}。隨順清淨離欲寂滅真實之義。隨順三寶力無所畏不共之法。隨順通慧菩薩聲聞所行之道。無有三塗苦難之名^{カニ}。但有自然快樂之音。是故其國名曰安樂。阿難^{ミナ}。彼佛國土諸往生者。具足如是清淨色身。諸妙音聲。神通功德。所處宮殿。衣服飲食。眾妙華香^{カニ}。莊嚴之具。猶第六天自然之物。若欲食時。

七寶鉢器自然在前。金銀瑠璃碑磔瑪瑙珊瑚琥珀明月真珠。如是諸鉢。隨意而至。百味飲食。自然盈滿。雖有此食。實無食者。但見色聞香。意以為食。自然飽足。身心柔軟。無所味著。事已化去。時至復現。彼佛國土清淨安隱微妙快樂。次於無為泥洹之道。其諸聲聞菩薩天人。智慧高明。神通洞達。咸同一類。形無異狀。但因順餘方。故有天人之名。顏貌端正。超世希有。容色微妙。非天非人。皆受自然虛無之身。無極之體。佛告阿難。譬如世間貧窮乞人在帝王邊。形容貌狀寧可類乎。阿難白佛。假令此人在帝王邊。羸陋醜惡無以為喻。百千萬億

不可計倍。所以然者。貧窮乞人。底極斯下。衣不蔽形。食趣支命。飢寒困苦。人理殆盡。皆坐前世不植德本。積財不施。富有益慳。但欲唐得。貪求無厭。不信修善。犯惡山積。如是壽終。財寶消散。苦身聚積。為之憂惱。於己無益。徒為他有。無善可怙。無德可恃。是故死墮惡趣。受此長苦。罪畢得出。生為下賤。愚鄙斯極。示同人類。所以世間帝王人中獨尊。皆由宿世積德所致。慈惠博施。仁愛兼濟。履信修善。無所違爭。是以壽終福應。得升善道。上生天上。享茲福樂。積善餘慶。今得為人。乃生王家。自然尊貴。儀容端正。眾所敬事。妙衣

珍饈・隨心服御。宿福所追・故能致此。佛告阿難。汝言是也。
計如帝王・雖人中尊貴・形色端正。比之轉輪聖王・甚為鄙陋。
猶彼乞人在帝王邊也。轉輪聖王・威相殊妙・天下第一。比之
忉利天王・又復醜惡・不得相喻。萬億倍也。假令天帝比第六
天王・百千億倍不相類也。設第六天王・比無量壽佛國菩薩聲
聞・光顏容色不相及逮。百千萬億不可計倍。佛告阿難。無量
壽國・其諸天人・衣服飲食・華香瓔珞・繒蓋幢幡・微妙音聲・
所居舍宅宮殿樓閣・稱其形色高下大小或一寶二寶・乃至無量
眾寶・隨意所欲・應念即至。又以眾寶妙衣・徧布其地。一切

天人・踐之而行。無量寶網・彌覆佛土。皆以金縷真珠・百千
雜寶・奇妙珍異・莊嚴校飾。周帀四面・垂以寶鈴。光色晃曜。
盡極嚴麗。自然德風・徐起微動。其風調和・不寒不暑。溫涼
柔軟・不遲不疾。吹諸羅網及眾寶樹・演發無量微妙法音・流
布萬種溫雅德香。其有聞者・塵勞垢習・自然不起。風觸其身・
皆得快樂・譬如比丘得滅盡三昧。又風吹散華・徧滿佛土。隨
色次第・而不雜亂。柔軟光澤・馨香芬烈。足履其上・踏下四
寸。隨舉足已・還復如故。華用已訖・地輒開裂。以次化沒。
清淨無遺。隨其時節・風吹散華・如是六反。又眾寶蓮華・周

滿世界。一一寶華・百千億葉。其華光明・無量種色^{世々}。青色青
光。白色白光。玄黃朱紫・光色赫然^{ハセ}。焯焯^{ハセ}煒煒^{ハセ}煥煥^{ハセ}爛爛^{ハセ}・明曜^{ハセ}日月。
一一華中^{ハセ}・出三十六百千億光。一一光中・出三十六百千億佛。
身色紫金・相好殊特^{ハセ}。一一諸佛・又放百千光明・普為十方說
微妙法。如是諸佛・各各安立^{ハセ}無量眾生於佛正道。

佛說無量壽經卷上

佛說無量壽經卷下

曹魏康僧鎧ソウウ譯

佛告阿難。其有眾生生彼國者皆悉住於正定之聚。所以者何。彼佛國中。無諸邪聚。及不定聚。十方恆沙諸佛如來。皆共讚歎無量壽佛威神功德不可思議。諸有眾生聞其名號。信心歡喜。乃至一念至心ソウ迴向。願生彼國。即得往生。住不退轉。唯除五逆ゴニ誹謗ヒヤウ正法。佛告阿難。十方世界諸天人民。其有至心願生彼國。凡有三輩。其上輩者。捨家棄欲而作沙門。發菩提心。一向專念無量壽佛。修諸功德。願生彼國。此等眾生臨壽

終時・無量壽佛與諸大眾現其人前。即隨彼佛往生其國・便於
七寶華中「ス」自然化生・住不退轉。智慧勇猛・神通自在。是故阿
難。其有眾生欲於今世見無量壽佛・應發無上菩提之心・修行
功德・願生彼國。佛告阿難。其中輩者・十方世界諸天人民・
其有至心願生彼國・雖不能行作沙門・大修功德・當發無上菩
提之心・一向專念無量壽佛・多少修善・奉持齋戒「ス」・起立塔像。
飯食沙門・懸繒然燈・散華燒香・以此迴向願生彼國。其人臨
終・無量壽佛化現其身・光明相好具如真佛「ス」・與諸大眾現其人
前。即隨化佛往生其國・住不退轉。功德智慧・次如上輩者也。

佛告阿難。其下輩者。十方世界諸天人民。其有至心欲生彼國。假使不能作諸功德。當發無上菩提之心。一向專意。乃至十念。念無量壽佛。願生其國。若聞深法。歡喜信樂。不生疑惑。乃至一念念於彼佛。以至誠心願生其國。此人臨終。夢見彼佛。亦得往生。功德智慧。次如中輩者也。

佛告阿難。無量壽佛威神無極。十方世界無量無邊不可思議諸佛如來。莫不稱歎。於彼東方恆河沙佛國。無量無數諸菩薩眾。皆悉往詣無量壽佛所。恭敬供養。及諸菩薩聲聞之眾。聽受經法。宣布道化。南西北方四維上下。亦復如是。爾時世

尊而說頌曰。

東方諸佛國

其數如恆沙

彼土菩薩眾

往觀ヒト無量覺

南西北四維

上下亦復然

彼土菩薩眾

往觀ヒト無量覺

一切諸菩薩

各齎ヒ天妙華ハクダ

寶香無價衣

供養ヒト無量覺

咸然トウ奏ヒト天樂ヒセ

暢發ハク和雅音ヒセ

歌歎ヒト最勝尊ヒト

供養ヒト無量覺

究達神通慧

遊入深法門

具足功德藏ヒト

妙智無等倫

慧日朗世間

消除生死雲

恭敬繞三帀ヒト

稽首ヒト無上尊

見彼嚴淨土

微妙難思議

因發無量心

願我國亦然

應時ヒト無量尊

動容發欣笑

口出無數光

徧照ヒト十方國

迴光圍繞身

三帟從頂入

一切天人眾

踊躍皆歡喜

大士觀世音

整服稽首問

白佛何緣笑

唯然願說意

梵聲猶雷震

八音暢妙響

當授菩薩記

今說仁諦聽

十方來正士

吾悉知彼願

志求嚴淨土

受決當作佛

覺了一切法

猶如夢幻響

滿足諸妙願

必成如是剎

知法如電影

究竟菩薩道

具諸功德本

受決當作佛

通達諸法門

一切空無我

專心淨佛土

必成如是剎

諸佛告菩薩

令覲安養佛

聞法樂受行

疾得清淨處

至彼嚴淨國

便速得神通

必於無量尊

受記成等覺

假使一切人	如來智慧海	聲聞或菩薩	憍慢弊懈怠 <small>リ一么 ハ一 トハセ ハク</small>	曾更見世尊 <small>サレ ハク ト</small>	若人無善心	奉事億如來	菩薩興至願 <small>ト一 ト</small>	其佛本願力
具足皆得道	深廣無涯底 <small>フ フ</small>	莫能究聖心	難以信此法	則能信此事	不得聞此經	飛化徧諸刹 <small>フ ウ ウ ハク</small>	願己國無異 <small>ウ フ</small>	聞名欲往生
淨慧知本空	二乘非所測 <small>ハ ハ</small>	譬如從生盲	宿世見諸佛 <small>ハ ハ</small>	謙敬聞奉行	清淨有戒者	恭敬歡喜去	普念度一切	皆悉到彼國
億劫思佛智	唯佛獨明了 <small>カ フ ハ</small>	欲行開導人 <small>ト ト ハク</small>	樂聽如是教 <small>ハ ハ ハ</small>	踊躍大歡喜 <small>ト ト ハセ</small>	乃獲聞正法	還到安養國 <small>ハ ハ ウ ト</small>	名顯滿十方	自致不退轉

窮力極講說 盡壽猶不知 佛慧無邊際 如是致清淨

壽命甚難得 佛世亦難值 人有信慧難 若聞精進求

聞法能不忘 見敬得大慶 則我善親友 是故當發意

設滿世界火 必過要聞法 會當成佛道 廣度生死流

佛告阿難^{あなん}。彼國菩薩^{ぼくわ}・皆當究竟^{くわんぎやう}一生補處^{いっしやうほぢよ}。除其本願^{もとねん}為眾

生故^{なま}・以弘誓功德而自莊嚴^{じやうげん}・普欲度脫一切眾生^{いっせつじゆんじやう}。阿難^{あなん}。彼佛

國中諸聲聞眾身光一尋^{いんじん}。菩薩光明照百由旬^{ひやくゆじゆん}。有二菩薩最尊第

一・威神光明普照三千大千世界^{さんせんぢやくせんせかい}。阿難^{あなん}白佛^{はつふつ}。彼二菩薩^{ふたぼくわ}・其號^{なづかひ}

云何^{いかに}。佛言^{ふつげん}。一名觀世音^{くわんぜいおん}。二名大勢至^{だいせいし}。此二菩薩^{ふたぼくわ}・於是國土

修菩薩行。命終轉化。生彼佛國。阿難。其有眾生。生彼國者。皆悉具足三十二相。智慧成滿。深入諸法。究暢要妙。神通無礙。諸根明利。其鈍根者。成就二忍。其利根者。得不可計無生法忍。又彼菩薩。乃至成佛。不受惡趣。神通自在。常識宿命。除生他方五濁惡世。示現同彼。如我國也。佛語阿難。彼國菩薩承佛威神。一食之頃。往詣十方無量世界。恭敬供養諸佛世尊。隨心所念。華香伎樂。衣蓋幢幡。無數無量供養之具。自然化生。應念即至。珍妙殊特。非世所有。輒以奉散諸佛。及諸菩薩聲聞之眾。在虛空中化成華蓋。光色昱爍。香氣普熏。

其華周圓四百里者。如是轉倍。乃覆三千大千世界。隨其前後。以次化沒。其諸菩薩僉然欣悅。於虛空中共奏天樂。以微妙音歌歎佛德。聽受經法。歡喜無量。供養佛已。未食之前。忽然輕舉。還其本國。佛語阿難。無量壽佛。為諸聲聞菩薩天人頌宣法時。都悉集會七寶講堂。廣宣道教。演暢妙法。莫不歡喜。心解得道。即時四方自然風起。吹七寶樹。出五音聲。無量妙華。隨風四散。自然供養。如是不絕。一切諸天。皆齋天上百千華香。萬種伎樂。供養其佛及諸菩薩聲聞之眾。普散華香。奏諸音樂。前後來往。更相開避。當斯之時。熙怡快樂。不可

勝言。佛語阿難。生彼佛國諸菩薩等。所可講說。常宣正法。隨順智慧。無違無失。於其國土所有萬物。無我所心。無染著心。去來進止。情無所係。隨意自在。無所適莫。無彼無我。無競無訟。於諸眾生。得大慈悲饒益之心。柔潤調伏。無忿恨心。離蓋清淨。無厭怠心。等心。勝心。深心。定心。愛法樂法喜法之心。滅諸煩惱。離惡趣心。究竟一切菩薩所行。具足成就無量功德。得深禪定。諸通明慧。遊志七覺。修心佛法。肉眼清徹。靡不分了。天眼通達。無量無限。法眼觀察。究竟諸道。慧眼見真。能度彼岸。佛眼具足。覺了法性。以無礙智。

為人演說。等觀三界空無所有。志求佛法。具諸辯才。除滅眾生煩惱之患。從如來生。解法如如。善知集滅音聲方便。不欣世語。樂在正論。修諸善本。志崇佛道。知一切法皆悉寂滅。生身煩惱。二餘俱盡。聞甚深法。心不疑懼。常能修行其大悲者。深遠微妙。靡不覆載。究竟一乘。至于彼岸。決斷疑網。慧由心出。於佛教法。該羅無外。智慧如大海。三昧如山王。慧光明淨。超踰日月。清白之法。具足圓滿。猶如雪山。照諸功德等一淨故。猶如大地。淨穢好惡無異心故。猶如淨水。洗除塵勞諸垢染故。猶如火王。燒滅一切煩惱薪故。猶如大風。

行諸世界無障礙故。猶如虛空。於一切有無所著故。猶如蓮華。
於諸世間無染污故。猶如大乘。運載群萌出生死故。猶如重雲。
震大法雷覺未覺故。猶如大雨。雨甘露法潤眾生故。如金剛山。
眾魔外道不能動故。如梵天王。於諸善法最上首故。如尼拘類
樹。普覆一切故。如優曇鉢華。希有難遇故。如金翅鳥。威伏
外道故。如眾遊禽。無所藏積故。猶如牛王。無能勝故。猶如
象王。善調伏故。如師子王。無所畏故。曠若虛空。大慈等故。
摧滅嫉心。不忌勝故。專樂求法。心無厭足。常欲廣說。志無
疲倦。擊法鼓。建法幢。曜慧日。除癡闇。修六和敬。常行法

施。志勇精進・心不退弱。為世燈明・最勝福田。常為師導。
等無憎愛。唯樂正道・無餘欣戚。拔諸欲刺・以安群生。功慧
殊勝・莫不尊敬。滅三垢障・遊諸神通。因力・緣力・意力・
願力・方便之力・常力・善力・定力・慧力・多聞之力・施戒
忍辱精進禪定智慧之力・正念止觀諸通明力・如法調伏諸眾生
力。如是等力・一切具足。身色相好・功德辯才・具足莊嚴。
無與等者。恭敬供養無量諸佛。常為諸佛所共稱歎。究竟菩薩
諸波羅蜜。修空無相無願三昧・不生不滅諸三昧門。遠離聲聞
緣覺之地。阿難。彼諸菩薩成就如是無量功德。我但為汝略言

之耳。若廣說者。百千萬劫不能窮盡。

佛告彌勒菩薩諸天人等。無量壽國聲聞菩薩功德智慧。不可稱說。又其國土微妙安樂清淨若此。何不力為善。念道之自然。著於無上下。洞達無邊際。宜各勤精進。努力自求之。必得超絕去。往生安樂國。橫截五惡道。惡道自然閉。昇道無窮極。易往而無人。其國不逆違。自然之所牽。何不棄世事。勤行求道德。可得極長生。壽樂無有極。然世人薄俗。共諍不急之事。於此劇惡極苦之中。勤身營務。以自給濟。無尊無卑。無貧無富。少長男女。共憂錢財。有無同然。憂思適等。屏營

愁苦・累念積慮。為心走使・無有安時。有田憂田。有宅憂宅。
牛馬六畜・奴婢錢財・衣食什物・復共憂之。重思累息・憂念
愁怖。橫為非常水火盜賊・怨家債主・焚漂劫奪・消散磨滅。
憂毒忪忪・無有解時。結憤心中・不離憂惱。心堅意固・適無
縱捨。或坐摧碎・身亡命終・棄捐之去・莫誰隨者。尊貴豪富・
亦有斯患。憂懼萬端・勤苦若此。結眾寒熱・與痛共居。貧窮
下劣・困乏常無。無田亦憂欲有田。無宅亦憂欲有宅。無牛馬
六畜奴婢錢財衣食什物・亦憂欲有之。適有一・復少一。有是
少是。思有齊等。適欲具有・便復糜散。如是憂苦・當復求索。

不能時得・思想無益。身心俱勞・坐起不安。憂念相隨・勤苦若此。亦結眾寒熱・與痛共居。或時坐之終身天命。不肯為善行道進德。壽終身死・當獨遠去。有所趣向善惡之道・莫能知者。世間人民・父子兄弟・夫婦家室・中外親屬・當相敬愛・無相憎嫉。有無相通・無得貪惜。言色常和・莫相違戾。或時心諍・有所恚怒。今世恨意・微相憎嫉。後世轉劇・至成大怨。所以者何。世間之事・更相患害。雖不即時・應急想破。然含毒畜怒・結憤精神・自然剋識・不得相離。皆當對生・更相報復。人在世間愛欲之中・獨生獨死・獨去獨來。當行至趣・苦

樂之地・身自當之・無有代者。善惡變化・殃福異處。宿豫嚴
待・當獨趣入。遠到他所・莫能見者。善惡自然追行所生。窈
窈冥冥・別離久長。道路不同・會見無期。甚難甚難・今得相
值。何不棄眾事。各遇強健時・努力勤修善・精進願度世。可
得極長生・如何不求道。安所須待・欲何樂乎。如是世人・不
信作善得善・為道得道。不信人死更生・惠施得福。善惡之事・
都不信之。謂之不然・終無有是。但坐此故・且自見之。更相
瞻視・先後同然。轉相承受父餘教令。先人祖父・素不為善・
不識道德。身愚神闇・心塞意閉。死生之趣・善惡之道・自不

能見・無有語者。吉凶禍福・競各作之・無一怪也。生死常道・轉相嗣立。或父哭子・或子哭父。兄弟夫婦・更相哭泣。顛倒上下・無常根本。皆當過去・不可常保。教語開導・信之者少。是以生死流轉・無有休止。如此之人・蒙冥抵突・不信經法。心無遠慮・各欲快意。癡惑愛欲・不達於道德。迷沒於瞋怒。貪狼於財色。坐之不得道。當更惡趣苦。生死無窮已。哀哉甚可傷。或時室家父子兄弟夫婦・一死一生・更相哀愍。恩愛思慕・憂念結縛。心意痛著・迭相顧戀。窮日卒歲・無有解已。教語道德・心不開明。思想恩好・不離情欲。昏蒙闇塞・愚惑

所覆^{フス}。不能深思熟計^{フス}。心自端正^{フシム}。專精行道^{フシム}。決斷世事^{フシム}。便旋^{フシム}。至竟^{フシム}。年壽終盡。不能得道。無可奈何。總猥憤擾^{フシム}。皆貪愛欲。惑道者眾^{フシム}。悟之者少。世間忽忽^{フシム}。無可聊賴。尊卑上下。貧富貴賤。勤苦忽務^{フシム}。各懷殺毒。惡氣窈冥^{フシム}。為妄興事^{フシム}。違逆天地。不從人心。自然非惡^{フシム}。先隨與之^{フシム}。恣聽所為^{フシム}。待其罪極。其壽未終盡。便頓奪之。下入惡道^{フシム}。累世勤苦^{フシム}。展轉其中。數千億劫。無有出期。痛不可言。甚可哀愍^{フシム}。

佛告彌勒菩薩諸天人等。我今語汝世間之事^{フシム}。人用是故。坐不得道。當熟思計^{フシム}。遠離眾惡^{フシム}。擇其善者^{フシム}。勤而行之^{フシム}。愛欲

榮華・不可常保。皆當別離・無可樂者。遇佛在世・當勤精進。其有至願生安樂國者・可得智慧明達・功德殊勝。勿得隨心所欲・虧負經戒・在人後也。儻有疑意不解經者・可具問佛・當為說之。彌勒菩薩長跪白言。佛威神尊重・所說快善。聽佛經語・貫心思之。世人實爾・如佛所言。今佛慈愍・顯示大道。耳目開明・長得度脫。聞佛所說・莫不歡喜。諸天人民蠕動之類・皆蒙慈恩・解脫憂苦。佛語教戒・甚深甚善。智慧明見八方上下去來今事・莫不究暢。今我眾等・所以蒙得度脫・皆佛前世求道之時・謙苦所致。恩德普覆・福祿巍巍。光明徹照。

達空無極。開入泥洹^{ㄉㄨㄣˊ ㄩㄢˊ}。教授典攬^{ㄐㄧㄠˋ ㄉㄧㄢˋ ㄎㄨㄢˋ}。威制消化。感動十方。無窮無極。佛為法王。尊超眾聖。普為一切天人之師。隨心所願。皆令得道。今得值佛。復聞無量壽聲。靡不歡喜。心得開明。

佛告彌勒。汝言是也。若有慈敬於佛者。實為大善。天下久久。乃復有佛。今我於此世作佛。演說經法。宣布道教^{ㄩㄢˊ ㄉㄠˋ}。斷諸疑網。拔愛欲之本。杜眾惡之源。遊步三界。無所罣礙^{ㄍㄨㄢˋ ㄞˋ}。典攬智慧。眾道之要^{ㄩㄢˋ}。執持綱維^{ㄓㄜˋ ㄨㄟ}。昭然分明。開示五趣。度未度者。決正生死泥洹之道。彌勒當知。汝從無數劫來。修菩薩行。欲度眾生。其已久遠。從汝得道至於泥洹。不可稱數。汝及十

方諸天人人民一切四眾・永劫已來・展轉五道。憂畏勤苦・不可具言。乃至今世・生死不絕。與佛相值・聽受經法。又復得聞無量壽佛。快哉甚善。吾助爾喜。汝今亦可自厭生死老病痛苦。惡露不淨・無可樂者。宜自決斷・端身正行・益作諸善。修己潔淨・洗除心垢。言行忠信・表裏相應。人能自度・轉相拯濟。精明求願・積累善本。雖一世勤苦・須臾之間。後生無量壽國。快樂無極。長與道德合明。永拔生死根本。無復貪恚愚癡苦惱之患。欲壽一劫百劫千億萬劫・自在隨意皆可得之。無為自然。次於泥洹之道。汝等宜各精進・求心所願。無得疑惑中悔・自

為過咎・生彼邊地七寶宮殿・五百歲中受諸厄也。彌勒白言。
受佛重誨・專精修學・如教奉行・不敢有疑。

佛告彌勒。汝等能於此世・端心正意・不作眾惡・甚為至
德。十方世界・最無倫匹。所以者何。諸佛國土天人種類・自
然作善・不大為惡・易可開化。今我於此世間作佛。處於五惡
五痛五燒之中・為最劇苦。教化群生・令捨五惡・令去五痛・
令離五燒。降化其意・令持五善・獲其福德度世長壽泥洹之道。
佛言。何等五惡。何等五痛。何等五燒。何等消化五惡・令持
五善・獲其福德度世長壽泥洹之道。

其一惡者。諸天人民蠕動之類。欲為眾惡。莫不皆然。強者伏弱。轉相剋賊。殘害殺戮。迭相吞噬。不知修善。惡逆無道。後受殃罰。自然趣向。神明記識。犯者不赦。故有貧窮下賤。乞丐孤獨。聾盲瘖瘂。愚癡弊惡。至有尫狂不逮之屬。又有尊貴豪富。高才明達。皆由宿世慈孝。修善積德所致。世有常道。王法牢獄。不肯畏慎。為惡入罪。受其殃罰。求望解脫。難得勉出。世間有此目前現事。壽終後世。尤深尤劇。入其幽冥。轉生受身。譬如王法。痛苦極刑。故有自然三塗。無量苦惱。轉貿其身。改形易道。所受壽命。或長或短。魂精神識。

自然趣之。當獨值向。相從共生。更相報復。無有止已。殃惡未盡。不得相離。展轉其中。無有出期。難得解脫。痛不可言。天地之間。自然有是。雖不即時卒暴應至。善惡之道。會當歸之。是為一大惡。一痛一燒。勤苦如是。譬如大火焚燒人身。人能於中一心制意。端身正行。獨作諸善。不為眾惡者。身獨度脫。獲其福德。度世上天泥洹之道。是為一大善也。

佛言。其二惡者。世間人民。父子兄弟。室家夫婦。都無義理。不順法度。奢婬僥縱。各欲快意。任心自恣。更相欺惑。心口各異。言念無實。佞諂不忠。巧言諛媚。嫉賢謗善。陷入

怨枉ウラミ。主上不明・任用臣下。臣下自在・機偽ウソ多端。踐度ウツ能行・
知其形勢。在位不正・為其所欺ウラミ。妄損忠良・不當天心ウラミ。臣欺
其君・子欺其父。兄弟夫婦・中外知識・更相欺誑ウラミ。各懷貪欲
瞋恚ウラミ愚癡ウラミ。欲自厚己ウラミ・欲貪多有。尊卑上下・心俱同然。破家
亡身・不顧前後。親屬內外・坐之滅族。或時室家知識・鄉黨
市里・愚民野人・轉共從事。更相利害ウラミ。忿成怨結ウラミ・富有慳惜ウラミ・
不肯施與。愛保貪重・心勞身苦。如是至竟・無所恃怙ウラミ。獨來
獨去・無一隨者。善惡禍福・追命所生。或在樂處ウラミ・或入苦毒。
然後乃悔・當復何及。世間人民・心愚少智。見善憎謗ウラミ・不思

慕及。但欲為惡・妄作非法。常懷盜心・悻望他利。消散磨盡・而復求索。邪心不正・懼人有色。不豫思計・事至乃悔。今世現有王法牢獄。隨罪趣向・受其殃罰。因其前世不信道德・不修善本・今復為惡。天神剋識・別其名籍。壽終神逝・下入惡道。故有自然三塗・無量苦惱。展轉其中・世世累劫・無有出期。難得解脫・痛不可言。是為二大惡二痛二燒・勤苦如是。譬如大火焚燒人身。人能於中一心制意・端身正行・獨作諸善・不為眾惡者・身獨度脫・獲其福德度世上天泥洹之道・是為二大善也。

佛言。其三惡者。世間ハニヲ人民。相因トコ寄生。共居ハニヲ天地之間。處年イヌ壽命。無能ヒツ幾何。上有賢明ヒツ長者尊貴豪富。下有貧窮斯賤。尫劣ムネ愚夫。中有不善之人。常懷邪惡。但念ハツ姪佚ハツ。煩滿胸中。愛欲交亂。坐起不安。貪意守惜。但欲唐得。眇ハツ眇カフ細色。邪態外逸。自妻厭憎ハツ。私妄出入。費損家財事為非法。交結聚會。興師相伐ハツ。攻劫殺戮カフ。強奪無道。惡心ハツ在外。不自修業。盜竊クセ趣得。欲擊成事。恐勢迫脅ハツ。歸給ハツ妻子。恣心ハツ快意。極身作樂カフ。或於親屬。不避尊卑。家室中外。患而苦之。亦復不畏王法禁令。如是之惡ハツ。著於人鬼ハツ。日月照見。神明記識。故有自然三

塗・無量苦惱。展轉其中・世世累劫・無有出期。難得解脫。
痛不可言。是為三大惡三痛三燒・勤苦如是。譬如大火焚燒人
身。人能於中一心制意。端身正行・獨作諸善・不為眾惡者・
身獨度脫・獲其福德度世上天泥洹之道・是為三大善也。

佛言。其四惡者。世間人民・不念修善。轉相教令・共為
眾惡。兩舌惡口・妄言綺語。讒賊鬪亂・憎嫉善人。敗壞賢明。
於傍快喜。不孝二親。輕慢師長。朋友無信・難得誠實。尊貴
自大・謂己有道。橫行威勢・侵易於人。不能自知・為惡無恥。
自以強健・欲人敬難。不畏天地神明日月。不肯作善・難可降

化。自用偃蹇^{一ウ}・謂可常爾^{一ル}。無所憂懼^一・常懷憍慢^一。如是眾惡^一・天神記識。賴其前世頗作福德・小善扶接・營護助之。今世為惡^一・福德盡滅。諸善鬼神・各去離之。身獨空立・無所復依。壽命終盡・諸惡^一所歸。自然迫促^一・共趣奪之。又其名籍^一・記在神明。殃咎牽引^一・當往趣向。罪報自然・無從捨離^一。但得前行^一。入於火鑊^一。身心摧碎・精神痛苦。當斯之時・悔復何及。天道罔然不得蹉跌^一。故有自然三塗・無量苦惱。展轉其中・世世累劫・無有出期。難得解脫^一・痛不可言。是為四大惡^一四痛四燒。勤苦如是。譬如大火焚燒人身。人能於中一心制意。端身正行。

獨作諸善・不為眾惡・身獨度脫・獲其福德度世上天泥洹之道・
是為四大善也。

佛言。其五惡者。世間人民・徙倚懈惰。不肯作善治身修
業。家室眷屬・飢寒困苦。父母教誨・瞋目怒應。言令不和・
違戾反逆。譬如怨家・不如無子。取與無節。眾共患厭。負恩
違義・無有報償之心。貧窮困乏・不能復得。辜較縱奪・放恣
遊散。串數唐得・用自賑給。耽酒嗜美。飲食無度。肆心蕩逸・
魯扈抵突。不識人情・強欲抑制。見人有善・妬嫉惡之。無義
無禮・無所顧難。自用識當・不可諫曉。六親眷屬・所資有無・

不能憂念。不惟父母之恩。不存師友之義。心常念惡。口常言惡。身常行惡。曾無一善。不信先聖諸佛經法。不信行道可得度世。不信死後神明更生。不信作善得善。為惡得惡。欲殺真人。鬪亂眾僧。欲害父母兄弟眷屬。六親憎惡。願令其死。如是世人。心意俱然。愚癡蒙昧。而自以智慧。不知生所從來。死所趣向。不仁不順。惡逆天地。而於其中。悌望僥倖。欲求長生。會當歸死。慈心教誨。令其念善。開示生死善惡之趣。自然有是。而不肯信之。苦心與語。無益其人。心中閉塞。意不開解。大命將終。悔懼交至。不豫修善。臨窮方悔。悔之於

後・將何及乎。天地之間・五道分明。恢廓窈冥・浩浩茫茫。
善惡報應・禍福相承。身自當之・無誰代者。數之自然・應期
所行。殃咎追命・無得縱捨。善人行善・從樂入樂。從明入明。
惡人行惡・從苦入苦。從冥入冥。誰能知者・獨佛知耳。教語
開示・信用者少。生死不休・惡道不絕。如是世人・難可具盡。
故有自然三塗・無量苦惱。展轉其中・世世累劫・無有出期。
難得解脫・痛不可言。是為五大惡五痛五燒・勤苦如是。譬如
大火焚燒人身。人能於中一心制意・端身正念・言行相副・所
作至誠・所語如語・心口不轉・獨作諸善・不為眾惡・身獨度

脫・獲其福德度世上天泥洹之道・是為五大善也。

佛告彌勒。吾語汝等・是世五惡勤苦若此。五痛五燒・展轉相生。但作眾惡・不修善本・皆悉自然入諸惡趣。或其今世先被殃病。求死不得・求生不得。罪惡所招・示眾見之。身死隨行・入三惡道。苦毒無量・自相焦然。至其久後・共作怨結。從小微起・遂成大惡。皆由貪著財色・不能施惠。癡欲所迫。隨心思。煩惱結縛・無有解已。厚己諍利・無所省錄。富貴榮華・當時快意。不能忍辱・不務修善。威勢無幾。隨以磨滅。身坐勞苦・久後大劇。天道施張・自然糺舉。綱維羅網・上下

相應^{ハム}。熒熒^{クハム}怱怱^{クハム}。當入^{カハム}其中。古今有是。痛哉可傷。

佛語彌勒。世間如是。佛皆哀之。以威神力。摧滅眾惡。

悉令就善。棄捐所思。奉持經戒。受行道法。無所違失。終得

度世泥洹之道。佛言。汝今諸天人民。及後世人。得佛經語。

當熟思之。能於其中端心正行。主上為善。率化其下。轉相敕

令。各自端守。尊聖敬善。仁慈博愛。佛語教誨。無敢虧負。

當求度世。拔斷生死眾惡之本。當離三塗無量憂怖苦痛之道。

汝等於是廣植德本。布施惠。勿犯道禁。忍辱精進。一心智

慧。轉相教化。為德立善。正心正意。齋戒清淨。一日一夜。

勝在無量壽國為善百歲。所以者何。彼佛國土。無為自然。皆積眾善。無毛髮之惡。於此修善十日十夜。勝於他方諸佛國中為善千歲。所以者何。他方佛國。為善者多。為惡者少。福德自然。無造惡之地。唯此間多惡。無有自然。勤苦求欲。轉相欺殆。心勞形困。飲苦食毒。如是惡務。未嘗寧息。吾哀汝等天人之類。苦心誨喻。教令修善。隨宜開導。授與經法。莫不承用。在意所願。皆令得道。佛所遊履國邑丘聚。靡不蒙化。天下和順。日月清明。風雨以時。災厲不起。國豐民安。兵戈無用。崇德興仁。務修禮讓。佛言。我哀愍汝等諸天人民。甚

於父母念子。今我於此世作佛・降化トノ五惡・消除五痛・絕滅五
燒。以善攻惡・拔生死之苦。令獲五德・生無為之安。吾去世
後・經道漸滅。人民諂偽・復為眾惡。五燒五痛・還如前法。
久後轉劇・不可悉說。我但為汝略言之耳。佛語彌勒。汝等各
善思之。轉相教誡・如佛經法・無得犯也。於是彌勒菩薩合掌
白言。佛所說甚善。世人實爾。如來普慈哀愍・悉令度脫。受
佛重誨・不敢違失。

佛告阿難。汝起更整衣服・合掌恭敬・禮無量壽佛。十方
國土諸佛如來・常共稱揚讚歎彼佛無著無礙。於是阿難起整衣

服・正身西面。恭敬合掌・五體投地・禮無量壽佛。白言。世尊。願見彼佛安樂國土・及諸菩薩聲聞大眾。說是語已。即時無量壽佛放大光明・普照一切諸佛世界。金剛圍山・須彌山王・大小諸山・一切所有・皆同一色。譬如劫水彌滿世界。其中萬物・沉沒不現。滉漾浩汗・唯見大水。彼佛光明・亦復如是。聲聞菩薩一切光明・皆悉隱蔽。唯見佛光・明耀顯赫。爾時阿難・即見無量壽佛威德巍巍・如須彌山王・高出一切諸世界上。相好光明・靡不照耀。此會四眾・一時悉見。彼見此土・亦復如是。

爾時佛告阿難及慈氏菩薩。汝見彼國從地已上至淨居天。其中所有微妙嚴淨自然之物。為悉見不。阿難對曰。唯然。已見。汝寧復聞無量壽佛大音宣布一切世界化眾生不。阿難對曰。唯然。已聞。彼國人民乘百千由旬七寶宮殿。無所障礙。徧至十方供養諸佛。汝復見不。對曰。已見。彼國人民有胎生者。汝復見不。對曰。已見。其胎生者所處宮殿。或百由旬。或五百由旬。各於其中受諸快樂。如忉利天上亦皆自然。爾時慈氏菩薩白佛言。世尊。何因何緣。彼國人民。胎生化生。佛告慈氏。若有眾生。以疑惑心修諸功德。願生彼國。不了佛智。

不思議智・不可稱智・大乘廣智・無等無倫最上勝智。於此諸智・疑惑不信。然猶信罪福・修習善本・願生其國。此諸眾生彼宮殿・壽五百歲・常不見佛・不聞經法・不見菩薩聲聞聖眾。是故於彼國土・謂之胎生。若有眾生・明信佛智・乃至勝智。作諸功德・信心迴向。此諸眾生・於七寶華中・自然化生。跏趺而坐。須臾之頃・身相光明・智慧功德・如諸菩薩具足成就。復次慈氏。他方諸大菩薩・發心欲見無量壽佛・恭敬供養。及諸菩薩聲聞聖眾。彼菩薩等・命終得生無量壽國・於七寶華中自然化生。彌勒當知。彼化生者・智慧勝故。其胎生者皆無

智慧。於五百歲中・常不見佛・不聞經法・不見菩薩諸聲聞眾。
無由供養於佛・不知菩薩法式・不得修習功德。當知此人宿世
之時・無有智慧・疑惑所致。

佛告彌勒。譬如轉輪聖王・有七寶牢獄・種種莊嚴。張設
牀帳・懸諸繒蓋。若有諸小王子・得罪於王。輒內彼獄中。繫
以金鎖。供養飯食・衣服牀蓐・華香伎樂。如轉輪王無所乏少。
於意云何。此諸王子寧樂彼處不。對曰。不也。但種種方便・
求諸大力・欲自勉出。佛告彌勒。此諸眾生・亦復如是。以疑
惑佛智故・生彼七寶宮殿。無有刑罰・乃至一念惡事。但於五

百歲中不見三寶。不得供養修諸善本。以此為苦。雖有餘樂。猶不樂彼處。若此眾生識其本罪。深自悔責。求離彼處。即得如意。往詣無量壽所。恭敬供養。亦得徧至無量無數諸餘佛所。修諸功德。彌勒當知。其有菩薩生疑惑者。為失大利。是故應當明信諸佛無上智慧。

彌勒菩薩白佛言。世尊。於此世界。有幾所不退菩薩。生彼佛國。佛告彌勒。於此世界。六十七億不退菩薩。往生彼國。一一菩薩。已曾供養無數諸佛。次如彌勒者也。諸小行菩薩。及修習少功德者。不可稱計。皆當往生。佛告彌勒。不但我刹

諸菩薩等往生彼國。他方佛土亦復如是。其第一佛名曰遠照。彼有百八十億菩薩。皆當往生。其第二佛名曰寶藏ハネ。彼有九十億菩薩。皆當往生。其第三佛名曰無量音。彼有二百二十億菩薩。皆當往生。其第四佛名曰甘露味カヌ。彼有二百五十億菩薩。皆當往生。其第五佛名曰龍勝ハネ。彼有十四億菩薩。皆當往生。其第六佛名曰勝力ハネ。彼有萬四千菩薩。皆當往生。其第七佛名曰師子。彼有五百菩薩。皆當往生。其第八佛名曰離垢光ハネ。彼有八十億菩薩。皆當往生。其第九佛名曰德首。彼有六十億菩薩。皆當往生。其第十佛名曰妙德山。彼有六十億菩薩。皆當

往生。其第十一佛名曰人王。彼有十億菩薩。皆當往生。其第十二佛名曰無上華^{ハクヤ}。彼有無數不可稱計^{イヘ}諸菩薩眾。皆不退轉。智慧勇猛。已曾供養^{チノ}無量諸佛^{クムム}。於七日中能攝取^{ハセ}百千億劫大士所修堅固之法。斯等菩薩。皆當往生。其第十三佛名曰無畏。彼有七百九十億大菩薩眾。諸小菩薩及比丘等不可稱計^{イヘ}。皆當往生。佛語彌勒^ミ。不但此十四佛國中諸菩薩等當往生也。十方世界無量佛國。其往生者。亦復如是甚多無數。我但說十方諸佛名號。及菩薩比丘生彼國者。晝夜^{ヒメ}一劫。尚未能盡。我今為汝^ニ略說^ク之耳。

佛告彌勒。其有得聞彼佛名號。歡喜踊躍^レ。乃至一念。當知此人為得大利。則是具足無上功德。是故彌勒。設有大火充滿三千大千世界。要當過此聞是經法。歡喜信樂^レ。受持讀誦。如說修行。所以者何。多有菩薩欲聞此經而不能得。若有眾生聞此經者。於無上道終不退轉。是故應當專心信受。持誦說行。吾今為諸眾生說此經法。令見無量壽佛及其國土一切所有。所當為者^ズ。皆可求之。無得以我滅度之後。復生疑惑^レ。當來之世。經道滅盡。我以慈悲哀愍^レ。特留此經。止住百歲。其有眾生值斯經者。隨意所願。皆可得度。

佛語彌勒。如來興世。難值難見。諸佛經道。難得難聞。菩薩勝法。諸波羅蜜。得聞亦難。遇善知識。聞法能行。此亦為難。若聞斯經信樂受持。難中之難。無過此難。是故我法。如是作。如是說。如是教。應當信順。如法修行。

爾時世尊說此經法。無量眾生。皆發無上正覺之心。萬二千那由他人。得清淨法眼。二十二億諸天人民。得阿那含果。八十萬比丘。漏盡意解。四十億菩薩。得不退轉。以弘誓功德。而自莊嚴。於將來世當成正覺。爾時三千大千世界六種震動。大光普照十方國土。百千音樂自然作。無量妙華芬芬而降。

佛說經已^一・彌勒菩薩・及十方來諸菩薩眾・長老阿難^三・諸大聲聞・一切大眾・靡不歡喜。

佛說無量壽經卷下

大方廣佛華嚴經普賢行願品

唐罽賓國三藏般若奉詔譯

爾時，普賢菩薩摩訶薩，稱歎如來勝功德已，告諸菩薩及善財言：「善男子！如來功德，假使十方一切諸佛，經不可說不可說佛剎極微塵數劫，相續演說，不可窮盡！若欲成就此功德門，應修十種廣大行願。何等為十？一者、禮敬諸佛。二者、稱讚如來。三者、廣修供養。四者、懺悔業障。五者、隨喜功德。六者、請轉法輪。七者、請佛住世。八者、常隨佛學。九者、恆順眾生。十者、普皆迴向。善財白言：「大聖！云何禮

敬乃至迴向？」普賢菩薩告善財言：「善男子！言禮敬諸佛者，所有盡法界、虛空界，十方三世一切佛刹，極微塵數諸佛世尊，我以普賢行願力故，深信解，如對目前，悉以清淨身語意業，常修禮敬。一一佛所，皆現不可說不可說佛刹極微塵數身。一身，徧禮不可說不可說佛刹極微塵數佛。虛空界盡，我禮乃盡，以虛空界不可盡故，我此禮敬無有窮盡。如是乃至眾生界盡，眾生業盡，眾生煩惱盡，我禮乃盡。而眾生界乃至煩惱無有盡故，我此禮敬無有窮盡。念念相續，無有間斷，身語意業，無有疲厭。

復次，善男子！言稱讚如來者，所有盡法界、虛空界，十方三世一切剎土，所有極微一一塵中，皆有一切世間極微塵數佛；一一佛所，皆有菩薩海會圍繞。我當悉以甚深勝解，現前知見，各以出過辯才天女微妙舌根，一一舌根，出無盡音聲海，一一音聲，出一切言辭海，稱揚讚歎一切如來諸功德海。窮未來際，相續不斷，盡於法界，無不周徧。如是虛空界盡，眾生界盡，眾生業盡，眾生煩惱盡，我讚乃盡。而虛空界乃至煩惱，無有盡故，我此讚歎無有窮盡。念念相續，無有間斷，身語意業，無有疲厭。

復次，善男子！言廣修供養者，所有盡法界、虛空界，十方三世一切佛剎極微塵中，一一各有一切世界極微塵數佛，一一佛所，種種菩薩海會圍繞。我以普賢行願力故，起深信解，現前知見，悉以上妙諸供養具而為供養。所謂華雲、鬘雲、天音樂雲、天傘蓋雲、天衣服雲。天種種香：塗香、燒香、末香，如是等雲；一一量如須彌山王。然種種燈：酥燈、油燈，諸香油燈；一一燈炷如須彌山；一一燈油如大海水。以如是等諸供養具，常為供養。善男子！諸供養中，法供養最。所謂如說修行供養，利益眾生供養，攝受眾生供養，代眾生苦供養，勤修

善根供養，不捨菩薩業供養，不離菩提心供養。善男子！如前供養無量功德，比法供養一念功德，百分不及一，千分不及一，百千俱胝那由他分、迦羅分、算分、數分、喻分、優波尼沙陀分，亦不及一。何以故？以諸如來尊重法故。以如說行，出生諸佛故。若諸菩薩行法供養，則得成就供養如來。如是修行，是真供養故。此廣大最勝供養，虛空界盡，眾生界盡，眾生業盡，眾生煩惱盡，我供乃盡，而虛空界乃至煩惱不可盡故，我此供養亦無有盡。念念相續，無有間斷，身語意業，無有疲厭。

復次，善男子！言懺悔業障者，菩薩自念：我於過去無始

劫中，由貪瞋癡，發身口意，作諸惡業，無量無邊。若此惡業有體相者，盡虛空界不能容受。我今悉以清淨三業。徧於法界極微塵刹一切諸佛菩薩眾前，誠心懺悔，後不復造，恆住淨戒一切功德。如是虛空界盡，眾生界盡，眾生業盡，眾生煩惱盡，我懺乃盡，而虛空界乃至眾生煩惱不可盡故，我此懺悔無有窮盡。念念相續，無有間斷，身語意業，無有疲厭。

復次，善男子！言隨喜功德者，所有盡法界、虛空界，十方三世一切佛刹極微塵數諸佛如來，從初發心，為一切智，勤修福聚，不惜身命，經不可說不可說佛刹極微塵數劫，一一劫

中，捨不可說不可說佛剎極微塵數頭目手足。如是一切難行苦行，圓滿種種波羅蜜門，證入種種菩薩智地，成就諸佛無上菩提及般涅槃，分布舍利，所有善根，我皆隨喜。及彼十方一切世界，六趣四生，一切種類，所有功德，乃至一塵，我皆隨喜。十方三世一切聲聞及辟支佛，有學無學，所有功德，我皆隨喜。一切菩薩所修無量難行苦行，志求無上正等菩提，廣大功德，我皆隨喜。如是虛空界盡，眾生界盡，眾生業盡，眾生煩惱盡，我此隨喜，無有窮盡。念念相續，無有間斷，身語意業，無有疲厭。

復次，善男子！言請轉法輪者，所有盡法界、虛空界，十方三世一切佛剎極微塵中，一一各有不可說不可說佛剎極微塵數廣大佛剎。一一剎中，念念有不可說不可說佛剎極微塵數一切諸佛成等正覺，一切菩薩海會圍繞。而我悉以身口意業，種種方便，殷勤勸請，轉妙法輪。如是虛空界盡，眾生界盡，眾生業盡，眾生煩惱盡，我常勸請一切諸佛，轉正法輪，無有窮盡。念念相續，無有間斷，身語意業，無有疲厭。

復次，善男子！言請佛住世者，所有盡法界、虛空界，十方三世一切佛剎極微塵數諸佛如來，將欲示現般涅槃者，及諸

菩薩、聲聞、緣覺，有學無學，乃至一切諸善知識，我悉勸請
莫入涅槃。經於一切佛刹極微塵數劫，為欲利樂一切眾生。如
是虛空界盡，眾生界盡，眾生業盡，眾生煩惱盡，我此勸請，
無有窮盡。念念相續，無有間斷，身語意業，無有疲厭。

復次，善男子！言常隨佛學者，如此娑婆世界毗盧遮那如
來，從初發心，精進不退，以不可說不可說身命而為布施。剝
皮為紙，析骨為筆，刺血為墨，書寫經典，積如須彌。為重法
故，不惜身命，何況王位、城邑、聚落、宮殿、園林，一切所
有，及餘種種難行苦行，乃至樹下成大菩提，示種種神通，起

種種變化，現種種佛身，處種種眾會，或處一切諸大菩薩眾會道場，或處聲聞及辟支佛眾會道場，或處轉輪聖王小王眷屬眾會道場，或處剎利及婆羅門、長者、居士眾會道場，乃至或處天龍八部、人非人等眾會道場。處於如是種種眾會，以圓滿音，如大雷震，隨其樂欲，成熟眾生，乃至示現入於涅槃，如是一切，我皆隨學。如今世尊毗盧遮那，如是盡法界、虛空界，十方三世一切佛剎所有塵中一切如來，皆亦如是，於念念中，我皆隨學。如是虛空界盡，眾生界盡，眾生業盡，眾生煩惱盡，我此隨學，無有窮盡。念念相續，無有間斷，身語意業，無有

疲厭。

復次，善男子！言恆順眾生者，謂盡法界、虛空界，十方剎海ハツ所有眾生，種種差別。所謂卵生カク、胎生、濕生、化生；或有依於地、水、火、風而生住者；或有依空及諸卉木ハク而生住者，種種生類，種種色身，種種形狀，種種相貌，種種壽量，種種族類，種種名號，種種心性，種種知見，種種欲樂ハク，種種意行，種種威儀，種種衣服，種種飲食ハク，處於種種村營、聚落、城邑ハク、宮殿。乃至一切天龍八部、人非人等，無足、二足、四足、多足，有色、無色、有想、無想、非有想、非無想，如是等類，

我皆於彼，隨順而轉。種種承事，種種供養（一七）。如敬父母，如奉師長及阿羅漢，乃至如來，等無有異。於諸病苦，為作良醫（一八）。於失道者，示其正路。於闇夜中，為作光明（一九）。於貧窮者，令得伏藏（二〇）。菩薩如是平等饒益一切眾生。何以故？菩薩若能隨順眾生，則為隨順供養諸佛（二一）。若於眾生尊重承事，則為尊重承事如來。若令眾生生歡喜者，則令一切如來歡喜。何以故？諸佛如來以大悲心而為體故。因於眾生，而起大悲；因於大悲，生菩提心；因菩提心，成等正覺（二二）。譬如曠野沙磧之中，有大樹王，若根得水，枝葉華果悉皆繁茂（二三）。生死曠野菩提樹王，亦復如是。

一切眾生而為樹根，諸佛菩薩而為華果，以大悲水饒益眾生，則能成就諸佛菩薩智慧華果。何以故？若諸菩薩以大悲水饒益眾生，則能成就阿耨多羅三藐三菩提故。是故菩提屬於眾生。若無眾生，一切菩薩終不能成無上正覺。善男子！汝於此義，應如是解。以於眾生心平等故，則能成就圓滿大悲。以大悲心隨眾生故，則能成就供養如來。菩薩如是隨順眾生，虛空界盡，眾生界盡，眾生業盡，眾生煩惱盡，我此隨順無有窮盡。念念相續，無有間斷，身語意業，無有疲厭。

復次，善男子！言普皆迴向者，從初禮拜乃至隨順所有功

德，皆悉迴「ハク」向盡法界、虛空界一切眾生。願令眾生，常得安樂「カゼ」，無諸病苦。欲行惡法「セ」，皆悉不成「ト」。所修善業，皆速成就。關閉一切諸惡趣門「セ」，開示人天涅槃正路「ウセ」。若諸眾生，因其積集諸惡業故，所感一切極重苦果「クツ」，我皆代受，令彼眾生，悉得解脫「ト」，究竟成就無上菩提。菩薩如是所修迴向「ハク」，虛空界盡，眾生界盡，眾生業盡，眾生煩惱盡，我此迴向「ハク」，無有窮盡「ト」。念念相續「ト」，無有間斷「ハク」，身語意業，無有疲厭。

善男子！是為菩薩摩訶薩十種大願，具足圓滿。若諸菩薩，於此大願，隨順趣入，則能成熟一切眾生「ハク」，則能隨順阿耨

多羅三藐三菩提，則能成滿普賢菩薩諸行願海。是故善男子！
汝於此義，應如是知。若有善男子、善女人，以滿十方無量無
邊不可說不可說佛剎極微塵數一切世界，上妙七寶，及諸人天
最勝安樂，布施爾所一切世界所有眾生，供養爾所一切世界諸
佛菩薩，經爾所佛剎極微塵數劫，相續不斷，所得功德；若復
有人，聞此願王，一經於耳，所有功德，比前功德，百分不及
一，千分不及一，乃至優波尼沙陀分亦不及一。或復有人，以
深信心，於此大願，受持讀誦，乃至書寫一四句偈，速能除滅
五無間業。所有世間身心等病，種種苦惱，乃至佛剎極微塵數

一切惡業，皆得消除。一切魔軍、夜叉、羅刹、若鳩槃荼、若毗舍闍、若部多等，飲血啗肉諸惡鬼神，皆悉遠離。或時發心，親近守護。是故若人誦此願者，行於世間，無有障礙。如空中月，出於雲翳。諸佛菩薩之所稱讚，一切人天皆應禮敬，一切眾生悉應供養。此善男子，善得人身，圓滿普賢所有功德。不久當如普賢菩薩，速得成就微妙色身，具三十二大丈夫相。若生人天，所在之處，常居勝族，悉能破壞一切惡趣，悉能遠離一切惡友，悉能制伏一切外道，悉能解脫一切煩惱。如師子王摧伏群獸，堪受一切眾生供養。又復是人臨命終時，最後剎那，

一切諸根悉皆散壞；一切親屬悉皆捨離；一切威勢悉皆退失；
輔相大臣、宮城內外、象馬車乘、珍寶伏藏，如是一切無復相
隨。唯此願王，不相捨離，於一切時，引導其前。一剎那中，
即得往生極樂世界。到已即見阿彌陀佛、文殊師利菩薩、普賢
菩薩、觀自在菩薩、彌勒菩薩等。此諸菩薩，色相端嚴，功德
具足，所共圍繞。其人自見生蓮華中，蒙佛授記。得授記已，
經於無數百千萬億那由他劫，普於十方不可說不可說世界，以
智慧力，隨眾生心而為利益。不久當坐菩提道場，降伏魔軍，
成等正覺，轉妙法輪。能令佛剎極微塵數世界眾生，發菩提心，

隨其根性，教化成熟，乃至盡於未來劫海，廣能利益一切眾生。善男子！彼諸眾生，若聞、若信此大願王，受持讀誦，廣為人說，所有功德，除佛世尊，餘無知者。是故汝等，聞此願王，莫生疑念，應當諦受。受已能讀，讀已能誦，誦已能持，乃至書寫，廣為人說。是諸人等，於一念中，所有行願，皆得成就；所獲福聚，無量無邊！能於煩惱大苦海中，拔濟眾生，令其出離，皆得往生阿彌陀佛極樂世界。」

爾時，普賢菩薩摩訶薩，欲重宣此義，普觀十方，而說偈言：「

所有十方世界中，三世一切人師子，
我以清淨身語意，一切徧禮盡無餘。
普賢行願工威神力，普現一切如來前，
一身復現刹塵身，一一徧禮刹塵佛。
於一塵中塵數佛，各處菩薩眾會中，
無盡法界塵亦然，深信諸佛皆充滿。
各以一切音聲海，普出無盡妙言辭，
盡於未來一切劫，讚佛甚深功德海。
以諸最勝妙華鬘，伎樂塗香及傘蓋，

如是最勝莊嚴具，我以供養諸如來。
最勝衣服最勝香，末香燒香與燈燭，
一一皆如妙高聚，我悉供養諸如來。
我以廣大勝解心，深信一切三世佛，
悉以普賢行願力，普遍供養諸如來。
我昔所造諸惡業，皆由無始貪瞋癡，
從身語意之所生，一切我今皆懺悔。
十方一切諸眾生，二乘有學及無學，
一切如來與菩薩，所有功德皆隨喜。

十方所有世間燈，最初成就菩提者，
我今一切皆勸請，轉於無上妙法輪。
諸佛若欲示涅槃，我悉至誠而勸請，
唯願久住剎塵劫，利樂一切諸眾生。
所有禮讚供養福，請佛住世轉法輪，
隨喜懺悔諸善根，迴向眾生及佛道。
我隨一切如來學，修習普賢圓滿行，
供養過去諸如來，及與現在十方佛。
未來一切天人師，一切意樂皆圓滿，

我願普隨三世學，速得成就大菩提。
所有十方一切刹ハツ，廣大清淨妙莊嚴，
眾會圍繞諸如來，悉在菩提樹王下。
十方所有諸眾生，願離憂患常安樂カレ，
獲得甚深正法利，滅除煩惱盡無餘。
我為菩提修行時，一切趣中成宿命カマ，
常得出家修淨戒，無垢無破無穿漏。
天龍夜叉鳩槃荼，乃至人與非人等，
所有一切眾生語，悉以諸音而說法。

勤修清淨波羅蜜，恆不忘失菩提心，
滅除障垢無有餘，一切妙行皆成就。
於諸惑業及魔境，世間道中得解脫，
猶如蓮華不著水，亦如日月不住空。
悉除一切惡道苦，等與一切群生樂，
如是經於剎塵劫，十方利益恆無盡。
我常隨順諸眾生，盡於未來一切劫，
恆修普賢廣大行，圓滿無上大菩提。
所有與我同行者，於一切處同集會，

身口意業皆同等，一切行願同修學。
所有益我善知識，為我顯示普賢行，
常願與我同集會，於我常生歡喜心。
願常面見諸如來，及諸佛子眾圍繞，
於彼皆興廣大供，盡未來劫無疲厭。
願持諸佛微妙法，光顯一切菩提行，
究竟清淨普賢道，盡未來劫常修習。
我於一切諸有中，所修福智恆無盡，
定慧方便及解脫，獲諸無盡功德藏。

一塵中有塵數刹，一一刹有難思佛，
一一佛處眾會中，我見恆演菩提行。
普盡十方諸刹海，一一毛端三世海，
佛海及與國土海，我遍修行經劫海。
一切如來語清淨，一言具眾音聲海，
隨諸眾生意樂音，一流佛辯才海。
三世一切諸如來，於彼無盡語言海，
恆轉理趣妙法輪，我深智力普能入。
我能深入於未來，盡一切劫為一念，

三世所有一切劫，為一念際我皆入。
我於一念見三世，所有一切人師子，
亦常入佛境界中，如幻解脫ハユセ及威力。
於一毛端極微中，出現三世莊嚴刹ハユ，
十方塵刹諸毛端，我皆深入而嚴淨。
所有未來照世燈，成道轉法悟群有，
究竟佛事示涅槃ウハセ，我皆往詣ハユ而親近。
速疾周徧神通力，普門徧入大乘力ハム，
智行普修功德力，威神普覆大慈力ハム，

徧クハ淨莊嚴勝福力ハ，無著サズ無依智慧力，
定慧方便威神力，普能積集菩提力，
清淨一切善業力，摧滅一切煩惱力，
降伏クハ一切諸魔力，圓滿普賢諸行力ハ。
普能嚴淨諸剎海ハ，解脫トク一切眾生海。
善能分別諸法海，能甚深入智慧海。
普能清淨諸行海ハ，圓滿一切諸願海，
親近クハ供養ハ諸佛海，修行無倦經劫海。
三世一切諸如來，最勝ハ菩提諸行願ハ，

我皆供養圓滿修，以普賢行悟菩提。
一切如來有長子，彼名號曰普賢尊，
我今迴向諸善根，願諸智行悉同彼。
願身口意恆清淨，諸行剎土亦復然，
如是智慧號普賢，願我與彼皆同等。
我為徧淨普賢行，文殊師利諸大願，
滿彼事業盡無餘，未來際劫恆無倦。
我所修行無有量，獲得無量諸功德，
安住無量諸行中，了達一切神通力。

文殊師利勇猛智，普賢慧行亦復然，
我今迴向諸善根，隨彼一切常修學。
三世諸佛所稱歎，如是最勝諸大願，
我今迴向諸善根，為得普賢殊勝行。
願我臨欲命終時，盡除一切諸障礙，
面見彼佛阿彌陀，即得往生安樂刹。
我既往生彼國已，現前成就此大願，
一切圓滿盡無餘，利樂一切眾生界。
彼佛眾會咸清淨，我時於勝蓮華生，

親クハ觀クハ如來無量光，現前授我菩提記。
蒙クハ彼如來授記已，化身無數百俱胝，
智力廣大徧十方，普利一切眾生界。
乃至虛空世界盡，眾生及業煩惱盡，
如是一切無盡時，我願究竟恆無盡。
十方所有無邊刹，莊嚴眾寶供如來，
最勝安樂施天人，經一切刹微塵劫。
若人於此勝願王，一經於耳能生信，
求勝菩提心渴仰，獲勝功德過於彼。

即常遠離惡知識，永離一切諸惡道，
速見如來無量光，具此普賢最勝願。
此人善得勝壽命，此人善來人中生，
此人不久當成就，如彼普賢菩薩行。
往昔由無智慧力，所造極惡五無間，
誦此普賢大願王，一念速疾皆消滅。
族姓種類及容色，相好智慧咸圓滿，
諸魔外道不能摧，堪為三界所應供。
速詣菩提大樹王，坐已降伏諸魔眾，

成等正覺轉法輪，普利一切諸含識。

若人於此普賢願，讀誦受持及演說，
果報唯佛能證知，決定獲勝菩提道。

若人誦此普賢願，我說少分之善根，

一念一切悉皆圓，成就眾生清淨願。

我此普賢殊勝行，無邊勝福皆迴向，

普願沉溺諸眾生，速往無量光佛剎。」

爾時，普賢菩薩摩訶薩，於如來前，說此普賢廣大願王清

淨偈已。善財童子，踊躍無量，一切菩薩，皆大歡喜。如來讚

言：「善哉！善哉！」爾時，世尊與諸聖者菩薩摩訶薩^{ラセ}，演說如是不可思議解脫境界勝法門時^{トハセ}，文殊師利菩薩而為上首^{ハズ}；諸大菩薩，及所成熟六千比丘^{ハズ}，彌勒菩薩而為上首；賢劫一切諸大菩薩，無垢普賢菩薩而為上首^{ハズ}；一生補處住灌頂位諸大菩薩^{ハズ}，及餘十方種種世界，普來集會，一切剎海極微塵數諸菩薩摩訶薩眾^{ラセ}。大智舍利弗^{ロフ}、摩訶目犍連等而為上首^{ラセ}；諸大聲聞。并諸人天一切世主、天、龍、夜叉^{ヤウ}、乾闥婆^{クワンタ}、阿修羅^{アシュラ}、緊那羅^{キンナ}、摩睺羅伽^{マウラカ}、人非人等一切大眾，聞佛所說，皆大歡喜，信受奉行。

大方廣佛華嚴經普賢菩薩行願品

大佛頂首楞嚴經大勢至菩薩念佛圓通章

唐天竺沙門般刺密諦譯

大勢至法王子，與其同倫五十二菩薩，即從座起，頂禮佛足，而白佛言：「我憶往昔恆河沙劫，有佛出世，名無量光。十二如來，相繼一劫，其最後佛，名超日月光。彼佛教我念佛三昧。譬如有人，一專為憶，一人專忘，如是二人，若逢不逢，或見非見。二人相憶，二憶念深。如是乃至從生至生，同於形影，不相乖異。十方如來，憐念眾生，如母憶子。若子逃逝，雖憶何為？子若憶母，如母憶時，母子歷生，不相違遠。若眾

生心，憶佛念佛，現前當來，必定見佛，去佛不遠，不假方便，自得心開。如染香人，身有香氣，此則名曰：香光莊嚴。我本因地，以念佛心，入無生忍。今於此界，攝念佛人，歸於淨土。佛問圓通，我無選擇，都攝六根，淨念相繼，得三摩地，斯為第一。」

大佛頂首楞嚴經大勢至菩薩念佛圓通章

淨土五經《無量壽經：魏譯本》（二〇一〇年重排版）功德主名錄

委印文號：107562

二七、〇〇〇元：[林淑瑛、賴朱罔市、賴俊哲、黃素齡、賴澍鈞、吳宜家、吳冠伶、吳澄岩、

往生者 吳碧霞、往生者 吳博容、往生者 林元全、往生者 林卓玉蘭、往生者 賴文慶、往生者 黃文華、

往生者 黃江梅及吳氏、林氏、賴氏、黃氏歷代祖先暨其冤親債主。]

願以此功德普皆迴向，從初禮拜乃至隨順所有功德，皆悉迴向盡法界、虛空界一切眾生。

願令眾生，常得安樂，無諸病苦。欲行惡法，皆悉不成。所修善業，皆速成就。

關閉一切諸惡趣門，開示人天涅槃正路。

以上計新台幣：二七、〇〇〇元，恭印一、〇〇〇本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有怨枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；

若有結餘，均續作本會之印（購）經書及運費，為施主廣積陰德，歡迎十方大德善加利用。

普為出資及讀誦受持
輾轉流通者回向偈曰

願以此功德

消除宿現業

增長諸福慧

圓成勝善根

所有刀兵劫

及與饑饉等

悉皆盡滅除

人各習禮讓

讀誦受持人

輾轉流通者

現眷咸安樂

先亡獲超昇

風雨常調順

人民悉康寧

法界諸含識

同證無上道

佛曆二五六二年／西元二〇一八年十二月

恭印：一〇〇〇本

流水號：16376
書號：CH350-15

淨土五經 《無量壽經：魏譯本》(二〇一〇年重排版)

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：www.budaedu.org

E-mail：budaedu@budaedu.org

電話：(〇二)二三九五一一一九八

傳真：(〇二)二三九一一三四一五

劃撥戶名：財團法人佛陀教育基金會

郵局劃撥帳號：〇七六九四九九七九

銀行名稱：台灣銀行城中分行(請於電匯或轉帳後告知本會用途)

銀行帳號：〇四五〇〇四五九七五〇三三

本會經書免費結緣之請取方式如下：

(一) 親臨本會二樓講堂。(二) 利用傳真：02-23965959

(三) 撥打電話：(02) 23951198分機：11、12

(四) 網址：<http://www.budaedu.org/books/>。(五) 寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫

經書名稱、冊數及收件人姓名、地址、電話、郵遞區號，以減少本會之處理時間；若大量申請，請

註明用途，且避免姓名、地址等文字上書寫之錯誤。

◎本會經書，歡迎翻印(請勿增刪)，贈送流通，功德無量。

◎本會交通

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第三八六九號

